

四庫全書薈要

• 乾隆御覽本

經部

欽定四庫全書薈要

經部  
左傳注疏卷十九



詳校官原任侍講<sub>臣</sub>王燕緒

春秋左傳注疏卷十九

起文公十一年盡十五年

晉杜氏注 唐陸德明音義 孔穎達疏

經十有一年春楚子伐麋注討前年逃厥貉會音義

麋九



夏叔仲彭生會晉卻缺于承筐注承筐宋地在陳留襄

邑縣西彭生叔仲惠伯卻缺翼缺音義

叔仲彭生叔又作州本或作叔

彭生仲衍字

缺丘悅反

秋曹伯來朝

公子遂如宋

秋侵齊

冬十月甲午叔孫得臣敗狄于鹹注鹹魯地音義

鹹音咸

傳十一年春楚子伐麋成大心敗麋師於防渚注成

大心子玉之子大孫伯也防渚麋地潘崇復伐麋至

于錫注錫穴麋地音義

復扶又反錫音羊或作錫星厯反

○夏叔

仲惠伯會晉卻缺于承匡謀諸侯之從於楚者注九

年陳鄭及楚平十年宋聽楚命○秋曹文公來朝卽

位而來見也音義

見賢通反

○襄仲聘于宋且言司城蕩

意諸而復之注八年意諸來奔歸不書史失之疏

正義

曰諸侯之卿出奔而復歸者宋華元衛孫林父之徒皆書其歸則蕩意諸之歸亦當書之服虔云反不書者施而不德衛冀隆亦同服義而難杜云襄二十九年樂氏施而不德春秋所善不書意諸之歸則是施而不德且經所不書傳即發文史失之即不書日史失之之類是也此既無傳何知史失杜必以爲史失者案衛侯鄭之歸於衛也僖公納賂而請之衛侯朔之入于衛也莊公與師而納之歸邾子益于邾自我而歸之皆受魯施竝書於經何獨意諸施而不德若意諸施而不德彼何故施而德之春秋公侯大夫失

位出奔得人力而反者多矣若皆施而不德不應赴告諸侯魯以不書為是則書者為非何以無貶責之文定人之謂禮存亡之謂義未有禮義在可諱之意故杜以為史官失之故不書於策

因賀楚

師之不害也注往年楚次厥貉將以伐宋○鄆瞞侵

齊注鄆瞞狄國名防風之後漆姓音義

鄆所求反說文作鄆云北

方長狄國也在夏為防風氏殷為汪芒氏字林鄆一音先牢反瞞莫干反漆音七

疏

正義曰狄是北

夷大號鄆瞞是其國名魯語云吳伐越陳會稽獲骨節專車吳子使來聘問之仲尼仲尼宴之客執骨而問曰敢問骨何為大仲尼曰昔禹致羣臣於會稽之山防風氏後至禹殺而戮之其骨節專車此為大矣客曰防風氏何守仲尼曰汪芒氏之君守封隅之山者也為漆姓在虞夏商為汪芒氏於周為長狄氏今

曰大人客曰人長之極幾何仲尼曰焦堯氏長三尺短之至也長者不過十尺數之極也此言長狄狄之長者彼言於周為長狄知鄭瞞即是防風氏之後故以國語為說服云伐我不書諱之 遂伐我

公卜使叔孫得臣追之吉侯叔夏御莊叔注莊叔得

臣音義

夏戶雅反

縣房甥為右富父終甥駟乘注駟乘四

人共車音義

乘繩謹反注及下皆同

冬十月甲午敗狄于鹹獲

長狄僑如注僑如鄭瞞國之君蓋長三丈獲僑如不

書賤夷狄也音義

僑本作喬其驕反長如字又直亮反

疏

正義曰經書敗狄于鹹即

是敗一國也敗其國而獲此人傳不言是其將帥知是其國之君也穀梁傳曰長狄瓦石不能害叔孫得

臣最善射者射其目身橫九畝斷其首而載之眉見於軾何休云蓋長百尺魯語仲尼所云此十倍魚克氏之長者故云蓋長三丈魯語言不過十尺是疑之言故云蓋也宣十五年晉師滅赤狄潞氏以潞子嬰兒歸彼獲嬰兒歸書之此獲僑如不書者潞國大富其君貴故書之此國小僑如賤不書賤夷狄也富

父終甥捨其喉以戈殺之注捨猶衡也音義

捨舒容反喉音

侯戈古

疏

正義曰考工記戈之長六尺六寸耳得及

禾反

長狄

之喉者兵車之法皆三人共乘魯宋

與長狄之戰車皆四乘改其乘必長其兵謂之戈蓋形如戈也

埋其首於子駒之門

注子駒魯郭門骨節非常恐後世恠之故詳其處音

義

處昌

以命宣伯注得臣待事而名其三子因名宣



伯曰僑如以旌其功音義

名如字或亡政反

疏

正義曰襄三十年傳說此

事云叔孫莊叔敗狄于鹹獲長狄僑如及虺也豹也皆以名其子定八年傳稱魯苦越生子將待事而名之陽州之從獲焉故名之曰陽州如得臣亦待事以名其三子以旌章其功也此三子未必同年而生或生訖待事故事後始生欲以章已功取彼名而名之也

初宋武公之世鄭瞞伐

宋注在春秋前疏

正義曰史記十二諸侯年表宋武公即位十八年以魯惠公二十一

年卒卒在春秋前二十六年不知鄭瞞以何年伐宋也

司徒皇父帥師禦之彫

班御皇父充石注皇父戴公子充石皇父名音義

禦本

亦作御魚呂反彫音而

疏

正義曰皇父戴公子世本文古人連言名字者皆先字後名且此人子孫

以皇為氏知皇父字充石名

公子穀甥為右司寇牛父駟乘以敗

狄于長丘注長丘宋地獲長狄緣斯注緣斯僑如之

先疏

正義曰服虔云不言所埋埋其身首同處於戰地可知

皇父之二子死焉

注皇父與穀甥及牛父皆死故彤玼獨受賞疏

正義曰賈

逵云皇父與穀甥牛父三子皆死鄭衆以為穀甥牛父二人死耳皇父不死馬融以為皇父之二子從父

在軍為敵所殺名不見者方道二子死故得勝之如今皆死誰殺緣斯服虔云穀緣斯者未必三子之手士卒獲之耳下言宋公以門賞彤玼玼為皇父御而有賞三子不見賞疑皆死賈君為近之如馬之言於

傳文為順但玼獨受賞知三子皆死故杜亦同之

宋公於是以門賞彤玼使

食其征注門關門征税也音義

稅舒反

疏

正義曰禮惟

門是關門也周禮司關司貨賄之出入掌其治禁與其征廛國凶札則無門之征鄭玄云征廛者貨賄之稅孟子曰關市譏而不征則天下行旅皆悅而願出於其塗矣如彼文知出入關者必有征稅但不知幾而稅一也然據禮文城門必有征必知關門者以關門征税其數既多故昭二十年偪介之關暴征其私是關禁之重異於城門此謂之形門晉之滅潞也注云食其征税故知關稅也

在宣十五年音義

潞音路

獲僑如之弟焚如齊襄公之

二年注魯桓之十六年鄭肅伐齊齊王子成父獲其

弟榮如注榮如焚如之弟焚如後死而先說者欲其

兄弟伯季相次榮如以魯桓十六年死至宣十五年  
一百三歲其兄猶在傳言既長且壽有異於人王子  
成父齊大夫音義且壽如字埋其首於周首之北門

注周首齊邑濟北穀城縣東北有周首亭衛人獲其

季弟簡如注伐齊退走至衛見獲鄭瞞由是遂亡注

長狄之種絕音義

種章勇反

疏

正義曰此時長狄種絕仲尼猶云今日大人者言當

時呼往而長狄為大人未必其時有之若當時猶有其種吳人不應怪其骨也但如此傳文長狄有種種類相生當有支胤唯獲數人云其種遂絕深可疑之命守封隅之山賜之以漆為姓則是世為國主縣歷

四代安得更無支屬唯有四人且君為民心方以類聚不應獨立三丈之君使牧八尺之民又三丈之人誰為匹配豈有三丈之妻為之生產乎人情度之深可感也國語仲尼之談左傳丘明所說通賢大聖立此格言不可論其是非實疑之久矣蘇氏云國語稱今日大人但逆居四夷不在中國故云遂亡公羊穀梁竝云長狄兄弟三人一之齊一之魯一之晉何以書記異猶如史記所云秦時大人見於臨洮

○

邲大子朱儒自安於夫鍾注安處也夫鍾邲邑音義

邲音成儒如朱反夫音扶

國人弗徇注徇順也為明年邲伯來奔

傳音義

徇以俊反

經十有二年春王正月邲伯來奔注稱爵見公以諸侯

禮迎之音義

見賢

疏

正義曰此實大子公以諸侯禮迎之公既尊之為君史遂從公之意

成十年晉侯有疾立太子州蒲為君會諸侯伐鄭經即書為晉侯史官不可反公之心追言世子從君所稱更是其實故也

杞伯來朝注復稱伯舍夷禮音義

復扶又反一音服舍音捨

二月庚子子叔姬卒注既嫁成人雖見出棄猶以恩錄

其卒疏

正義曰天子諸侯絕期嫁女於諸侯則尊同恩成於敵體其禮不為降卒則服大功九月叔姬

既為杞之夫人雖見出棄猶以恩錄其卒喪服女子既嫁而反在父母之室從本服為之齊衰期此既書其卒當服其本服杜預不知此叔姬是何公之女要姑與姊妹皆服期也釋例曰出棄之女反在父母之室則與既

并成人者同故亦書卒也杞叔姬卒  
穀梁以為公母姊妹謂同母姊妹

夏楚人圍巢注巢吳楚間小國廬江六縣東有居巢城  
秋滕子來朝

秦伯使術來聘注術不稱氏史畧文

冬十有二月戊午晉人秦人戰于河曲注不書敗績交

綏而退不大崩也稱人秦晉無功以微者告也皆陳曰

戰例在莊十一年河曲在河東蒲坂縣南音義

陳直觀  
反坂音

反

季孫行父帥師城諸及鄆注鄆莒魯所爭者城陽姑幕縣南有員亭員即鄆也以其遠偏外國故帥師城之音

義

鄆音軍幕音莫員音云一音運本又作鄆音同

傳十二年春邾伯卒邾人立君注大子自安於外邑

故大子以夫鍾與邾邾來奔注邾邾亦邑音義

邾音圭

公以諸侯逆之非禮也注非公寵叛人故書曰邾伯來奔不書地尊諸侯也注既尊以為諸侯故不復見

其竊邑之罪音義

復扶又反見賢遍反

○杞桓公來朝始朝公



也注公即位始來朝疏

正義曰劉炫云魯公新立鄰國及時來朝則曰公即位而

來朝晚則云始朝公也諸侯自新立來及時者則云即位而來見晚則云始見霸主即位魯公往朝則曰朝嗣君魯君新立往朝大國則曰即位而往見也

且請絕叔姬而無絕昏公

許之注不絕昏立其娣以為夫人不書來歸未歸而

卒疏

正義曰傳言請無絕昏成五年有杞叔姬來歸故知其娣為夫人也其娣亦字叔者周之法稱

叔也釋例曰杞桓公以僖二十三年即位襄六年卒凡在位七十一年文成之世經書叔姬二人一人出一人卒皆杞桓公夫人也傳例出曰來歸不書來歸未歸而卒也既歸而卒亦當書之成五年杞叔姬來歸八年書卒是也宣十六年鄆伯姬來歸二月叔姬後不書卒者或更嫁於大夫故不書卒耳

卒不言杞絕也注既許其絕故不言杞書叔姬言非女也注女未笄而卒不書○楚令尹大孫伯卒成嘉為令尹注若敖曾孫子孔羣舒叛楚注羣舒偃姓舒庸舒鳩之屬今廬江南有舒城舒城西南有龍舒疏正義曰世本偃姓舒庸舒莖舒鳩舒龍舒鮑舒糞以其非一故言屬以包之夏子孔執舒

子平及宗子遂圍巢注平舒君名宗巢二國羣舒之屬○秋滕昭公來朝亦始朝公也○秦伯使西乞術來聘且言將伐晉襄仲辭玉曰君不忘先君之好照

臨魯國鎮撫其社稷重之以大器寡君敢辭王注大

器圭璋也不欲與秦為好故辭玉音義

好呼報反注及下同重直

用反璋

疏

正義曰聘君用圭享用璧聘夫人用璋享音章

用琮聘禮記曰凡四器圭唯其所寶以聘

可也故知所言大器是圭璋也考工記玉人云瑑圭

璋八寸瑑琮八寸以規聘聘禮記云所以朝天子圭

與纁皆九寸問諸侯朱緣纁八寸鄭玄云於天子曰

朝於諸侯曰問記之於聘文互相備言互相備者朝

諸侯與天子同聘天子與諸侯同也所言朝圭九寸

聘圭八寸謂上公禮也使臣出聘降君一等故八寸

則侯伯之使當瑑圭六寸子男之使當瑑璧四寸也

聘義曰以圭璋聘重禮也已聘而還圭璋此輕財而

重禮之義也然則玉必還其來使而下云致諸執事

以為瑞節及襄仲辭之者禮聘終雖復得還玉初聘

之時其意欲致與主國且受之而襄仲辭之者為不欲與秦為好因謙退辭還也

對曰不腆

敝器不足辭也注腆厚也音義

腆他典反

主人三辭賓答

曰寡君願徼福于周公魯公以事君注徼要也魯公

伯禽也言願事君以并蒙先君之福音義

徼古堯反要於堯反

下同不腆先君之敝器使下臣致諸執事以為瑞節注

節信也出聘必告廟故稱先君之器音義

瑞垂偽反

要結

好命所以藉寡君之命結二國之好注藉薦也音義

藉在夜疏

正義曰聘禮執圭所以致君命君命致藉玉而後通若坐之有薦席然故以藉為薦反注同

也是以敢致之襄仲曰不有君子其能國乎國無陋

矣厚賄之注賄贈送也音義

賄呼罪反

○秦為令狐之役

故音義

為于偽反

冬秦伯伐晉取羈馬注令狐役在七年

羈馬音邑音義

令力丁反

晉人禦之趙盾將中軍荀林父

佐之注林父代先克音義

將子匠反下皆同

卻缺將上軍注

代箕鄭史駢佐之注代林父音義

駢步遣反

樂盾將下軍

注樂枝子代先蔑音義

樂力官反盾徒本反

胥甲佐之注胥臣

子代先都范無恤御戎注代步招音義

招上遙反

以從秦

師於河曲史駢曰秦不能久請深壘固軍以待之從

之秦人欲戰秦伯謂士會曰若何而戰注晉士會七

年奔秦音義

墨力

疏

正義曰

墨壁也

軍營所處築土

軌反

自衛謂之為墨深者高也高其

壘以為軍之阻固案說禮說為壇深四尺鄭注云深高也是其義也

對曰趙氏新出其

屬曰史駢必實為此謀將以老我師也注史駢趙盾

屬大夫新出佐上軍趙有側室曰穿晉君之壻也注

側室支子穿趙風庶孫音義

穿音

疏

正義曰

文王世

子云公若有出

疆之政庶子守公宮正室守太廟鄭玄云正室適子也正室是適子知側室是支子言在室子之側也世

族譜穿趙風之孫則是趙盾從父昆弟之子也盾為正室故謂穿為側室穿別為邯鄲氏趙盾趙盾邯鄲午是其有寵而弱不在軍事注弱年少也又未嘗涉後也

知軍事音義

少詩照反

好勇而狂且惡史駢之佐上軍也

若使輕者肆焉其可注肆暫往而退也音義

惡烏路反輕遠

政反肆音四

秦伯以璧祈戰于河注禱求勝音義

禱丁老反一音

丁報反

十二月戊午秦軍掩晉上軍趙穿追之不及注

上軍不動趙穿獨追之反怒曰裒糧坐甲固敵是求

敵至不擊將何俟焉軍吏曰將有待也注待可擊音

義

義音果

疏

正義曰甲者所以制禦非常臨敵則被之於身未戰且坐之於地

穿曰我

不知謀將獨出乃以其屬出宣子曰秦獲穿也獲一

卿矣注僖三十三年晉侯以一命命卻缺為卿不在

軍帥之數然則晉自有散位從卿者音義

帥所類反散悲但反

秦以勝歸我何以報乃皆出戰交綏注司馬法曰逐

奔不遠從綏不及逐奔不遠則難誘從綏不及則難

陷然則古名退軍為綏秦晉志未能堅戰短兵未至

爭而兩退故曰交綏音義

爭爭闕之爭

疏

正義曰魏武全引司馬法云將



軍死綏舊說綏卻也言軍卻將當死綏必是退軍之名綏訓為安蓋兵書務在進取恥言其退以安行即為大罪故以綏為名焉 秦行人夜戒晉師曰兩君之士皆未怒

也明日請相見也注慙缺也音義

慙魚覲反又魚轄反方言云傷也字

林云間也

疏

正義曰慙者缺之貌今人猶謂缺為慙也沈氏云方言云慙傷傷即缺也下云

死傷未收則是已有死者但未至大崩未甚喪敗故為皆未缺也

史駢曰使者目動

而言肆懼我也注目動心不安言肆聲故失常節音

義

使所吏反

將遁矣薄諸河必敗之注薄迫也音義

遁徒因反

薄蒲莫反下同敗卑貴反

胥甲趙穿當軍門呼曰死傷未收而棄

之不惠也不待期而薄人於險無勇也乃止注晉師  
止為宣元年放胥甲傳秦師夜遁復侵晉入瑕音義  
復扶又反 ○城諸及鄆書時也

經十有三年春王正月

夏五月壬午陳侯朔卒注無傳再同盟疏

正義曰朔以僖二十九年

即位其年盟於翟泉文二年于垂隴七年于扈云再同盟者據文公言之

邾子遽蒯卒注未同盟而赴以名音義

遽其居反疏正義

曰遽蒯邾子瑣之子也莊二十九年即位僖元年與魯盟于聶而云未同盟蓋據文公為言故云未同盟劉炫

以舉盟規  
之非也

自正月不雨至于秋七月注無傳義與二年同

大室屋壞注大廟之室音義

大音泰注及傳同

疏

正義曰傳稱書不共則於

此室當共知大廟之室也明堂位曰祀周公於大廟此  
周公之廟壞也不直言大廟壞而云太室屋壞者大廟  
之制其簷四阿而下室當其中又拔出為重屋明堂位  
云大廟天子明堂復廟重檐天子之廟飾鄭云復廟重  
屋也是天子之廟上為重屋此是大廟當中之室其上  
之屋壞非大廟全壞也公羊作世室傳曰世室者何魯  
公之廟也周公稱大廟魯公稱世室韋公稱宮此魯公  
之廟也曷為謂之世室猶世世不毀也左傳不辨此是  
何公之廟而經謂之大室則此室是室之最大者故知  
是周公之廟非魯公也明堂位曰魯公之廟文世室也

武公之廟武世室也不毀則稱世室世室非一君廟名  
若是伯禽之廟則宜舉其號謚案左傳經為大室不作  
世室故左氏先師賈服等皆以為廟之室也壞必更作  
書其壞而不書作者隨即修之故不書也定二年五月  
雉門及兩觀災十月新作雉門及兩  
觀皆塞從時識其緩作故別書之耳

冬公如晉衛侯會公于沓注沓地闕音義

沓徒  
荅反

狄侵衛注無傳

十有二月己丑公及晉侯盟注十二月無己丑己丑十

一月十一日

公還自晉鄭伯會公于棗注棗鄭地音義

棗芳味反  
又非尾反

傳十三年春晉侯使詹嘉處瑕以守桃林之塞注詹

嘉晉大夫賜其瑕邑令帥衆守桃林以備秦桃林在

弘農華陰縣東潼關音義

詹章康反塞悉代反今力呈反華戶化反潼音童

疏

正義曰桃林之塞在南河之南遠處晉之南竟從秦通周乃由此路使詹嘉守此塞者以秦與東方

諸侯遠結恩好及西乞聘魯亦應更交除國慮其要結外援東西圖已故使守此阨塞欲斷其來往也

晉人患秦之用士會也夏六卿相見於諸浮注諸浮

晉地疏

正義曰六卿在朝旦夕聚集而特云相見於諸浮者將欲密謀慮其漏泄故出就外野屏

人私謀諸浮當是城外之近地耳

趙宣子曰隨會在秦賈季在狄難

日至矣若之何注六年賈季奔狄音義

難乃旦反  
日人實反

中

行桓子曰請復賈季注中行桓子荀林父也僖二十

八年始將中行故以爲氏音義

行司郎反注  
同將子匠反

能外事

且由舊勲注有狐偃之舊疏

正義曰賈季是狐突之  
孫狐偃之子本是狄人

能知外竟之事謂知  
狄之情得豫爲之備

卻成子曰賈季亂且罪大注殺

陽處父故不如隨會能賤而有恥柔而不犯注不可

犯以不義疏

正義曰服虔云謂能處賤  
且又知恥言不可汙辱

其知足使也

且無罪乃使魏壽餘僞以魏叛者以誘士會執其帑

於晉使夜逸注魏壽餘畢萬之後音帑壽餘子音義知音

智帑疏正義曰閏元年晉侯賜畢萬魏魏畢者萬之音奴孫為魏之世適壽餘為魏邑之主當是畢之

近親故云請自歸于秦秦伯許之注許受其邑履士畢萬之後

會之足於朝注躡士會足欲使行音義躡女秦伯師涉反

于河西注將取魏魏人在東注今河北縣於秦為在

河之東壽餘曰請東人之能與夫二三有司言者吾

與之先注欲與晉人在秦者共先告喻魏有司音義

夫音疏正義曰請舊是東方之人并有才能堪與彼扶魏邑二三有司說歸秦之言者吾與先行

使士會士會辭曰晉人虎狼也若背其言臣死妻子

為戮無益於君不可悔也注辭行示已無去心音義

背音佩

疏

正義曰言身殉死於晉妻為戮於秦必無益於君不可改悔

秦伯曰若

背其言所不歸爾帑者有如河注言必歸其妻子明

白如河乃行統朝贈之以策注策馬槌臨別授之馬

槌並示已所策以展情統朝秦大夫音義

朝如字又張送反策

本又作策初革反槌張瓜反馬杖也

疏

正義曰服虔云統朝以策

王部華反字林作策云篋也竹瓜反

云

統朝以策

書贈士會杜不然者壽餘請託士會即行不暇書策為辭且事既密不宜以簡贈人傳稱以書相與皆云



與書此獨不宜云贈之  
以策知是馬槌槌杖也  
曰子無謂秦無人吾謀適不

用也注示已覺其情既濟魏人譟而還注喜得士會

音義

譟素報反  
還音旋

秦人歸其帑其處者為劉氏注士會

堯後劉累之胤別族復累之姓音義

累劣反  
疏正義曰

其子於奔使為王孫氏者知已將死豫令改族其傳  
有為而發之士會之帑在秦不顯於會之身復無所  
辟傳說處秦為劉氏未知何意言此討尋上下其文  
不類深疑此句或非本旨蓋以為漢室初興捐棄古  
學左氏不顯於世先儒無以自申劉氏從秦徙魏其  
原本出劉累挿注此辭將以媚於世明帝時賈逵上  
疏云五經皆無證圖讖明劉氏為堯後者而左氏獨  
有明文竊謂前世藉此以求道通故後引之以為證

耳注正義曰昭二十九年傳稱陶唐氏既衰其後曰  
 劉累能飲食龍夏王孔甲賜氏曰御龍襄二十四年  
 傳范宣子云勾之祖自虞以上為陶唐氏在夏為御  
 龍氏在商為承韋氏在周為唐杜氏晉主夏盟為范  
 氏晉語云昔隰叔子違周難於晉生子與為司空世  
 及武子佐文襄輔成景是以受隨范賈遠云隰叔杜  
 伯之子周宣王殺杜伯其子逃奔晉子與士薦也武  
 子薦之孫即士會也又世本土薦生士伯缺缺生士  
 會會生士燮會是薦之孫是為堯後也會子在秦不  
 被賜族故自復累之姓為劉氏秦滅魏劉氏徙大梁  
 漢高祖之祖為豐公又徙沛故高祖為沛人  
 ○邾文公卜遷于繹注繹邾

邑魯國鄒縣北有繹山音義

繹音亦鄒側留反

疏

正義曰邾都本在鄒

縣鄒縣北有繹山徙都於彼山旁山旁富有舊邑故  
 曰繹邾邑也邾既遷都於此竟內別有繹邑宣十年

公孫歸父帥師伐邾取繹取彼之別邑不取邾之國都也但邾是小國彼繹邑亦取繹山為名應近邾之

耳都史曰利於民而不利於君邾子曰苟利於民孤之

利也天生民而樹之君以利之也民既利矣孤必與

焉左右曰命可長也君何弗為邾子曰命在養民死

之短長時也民苟利矣遷也吉莫如之注左右以一

人之命為言文公以百姓之命為主一人之命各有

短長不可如何百姓之命乃傳世無窮故徒之音義

與音預傳疏

正義曰史明卜筮知國遷君必死不知君命自當卒也左右之意謂不遷命可

長左右勸君弗遷以一人之命為言也文公之意人君之命在於養民遷則民利志在必遷以百姓之命為主也一人之命各有短長長短先定不遷亦死是不可如何百姓之命利在水土遷就善居則民安樂乃傳世無窮也晉遷新田十世之利  
衛遷帝丘卜曰三百年是傳世也遂遷於繹五月

邾文公卒君子曰知命疏

正義曰俗人見其早卒謂由遠而死死之短長有時

不遷至期亦卒傳言君子曰知命所以證俗人之惑邾文公以莊二十九年即位至今五十一年享國久矣命非短折也○秋七月大室之屋壞書不共也注簡慢宗

廟使至傾頹故書以見臣子不共音義

頹大回反疏見賢遍反

正義曰釋例曰大室之屋國之所尊朽而不繕久旱遇雨乃遂傾頹不共之甚故特書之○冬公

如晉朝且尋盟衛侯會公于沓請平于晉公還鄭伯  
會公于棐亦請平于晉公皆成之注鄭衛貳于楚畏  
晉故因公請平鄭伯與公宴于棐子家賦鴻鴈注子  
家鄭大夫公子歸生也鴻鴈詩小雅義取侯伯哀恤  
鰥寡有征行之勞言鄭國寡弱欲使魯侯還晉恤之

音義

鰥古頑反

疏

正義曰鴻鴈美宣王勞來諸侯之詩也首章云之子于征劬勞于野爰及矜人

哀此鰥寡之子侯伯卿士也存省諸侯劬勞外野爰曰也矜憐也王命之曰當及此可憐之人謂貧窮者又當哀此鰥夫寡婦當收斂之使有依附子家言鄭寡弱欲使魯侯遠行還晉存恤之也

季文子

曰寡君未免於此注言亦同有微弱之憂文子賦四

月注四月詩小雅義取行役踰時思歸祭祀不欲爲

還晉音義

爲于偽反下皆同

疏

正義曰四月大夫行役之怨詩也首章云四月維夏六月

徂暑先祖匪人胡寧忍予大夫言已四月初夏而行至六月徂暑矣寒暑易節尚不得歸我之先祖非人乎王者何當施恩於我不使得祭祀也

大子言已思歸祭祀不欲更復還晉

子家賦載馳

之四章注載馳詩鄘風四章以下義取小國有急欲

引大國以救助音義

鄘音容

疏

正義曰載馳許穆夫人聞衛之滅思歸唁兄之

詩也其四章曰陟彼阿丘言采其蕝女子善懷亦各有行許人尤之衆穉且狂其五章曰我行其野芄芃

其麥拉于大邦誰因誰極大夫君子無我有尤百爾  
所思不如我所之此義取小國有急控我大國文在  
五章而傳言四章故云四  
章以下言其并賦五章  
文子賦采薇之四章注采

薇詩小雅取其豈敢定居一月三捷許爲鄭還不敢

安居音義

三息暫反又如  
字捷在接反

疏

正義曰捷勝也三者  
謂侵也伐也戰也

鄭

伯拜注謝公爲行公荅拜

經十有四年春王正月公至自晉注無傳告于廟

邾人伐我南鄙叔彭生帥師伐邾

夏五月乙亥齊侯潘卒注七年盟于扈乙亥四月二十

九日書五月從赴音義

潘判干反

疏

正義曰齊世家孝公卒弟潘殺孝公子而立是

為昭公昭公則以僖二十八年即位其年盟于踐土據文公言之唯同扈之盟耳杜以長歷校之知乙亥是四月二十九日書五月從赴者蓋赴以五月到惟言卒日不言其月即書其所至之月

六月公會宋公陳侯衛侯鄭伯許男曹伯晉趙盾癸酉同盟于新城注新城宋地在梁國穀熟縣西

秋七月有星孛入于北斗注字孛也既見而移入北斗

非常所有故書之音義

字音佩徐無憤反嵇康音勃海字孛嵇似歲反一音雖遂反見

賢通反

疏

正義曰公羊傳曰字者何孛星也其言入于北斗何北斗有中也何以書記異也穀梁傳曰字



之為言猶第也其曰入北斗斗有環域也釋天云彗星為橈槍郭璞曰妖星也亦謂之字言其形字字似掃彗也經言入于北斗則從他處而入是既見而移入北斗也彗星長有尾入于北斗杓中妖星非常所有故書公至自會注無傳

晉人納捷菑于邾弗克納注邾有成君晉趙盾不度於

義而大興諸侯之師涉邾之竟見辭而退雖有服義之

善所興者廣所害者衆故貶稱人音義

菑側其反度待各反竟音境

疏正義曰捷菑不言邾者下有于邾之文莊公伐齊納

子糾不言齊者上有伐齊之文與此同也僖二十五

年楚人圍陳納頓子于頓昭十二年齊高偃納北燕伯于陽彼舊是國君故稱其國哀二年晉趙鞅納衛世子

蒯賁于戚世子之尊以名體國上下又無衛文故亦稱國與此異也齊小白齊陽生許叔蔡季之屬經無納文又復得國與此不同也劉炫云已去邾國又非邾君故不稱邾捷菑也得國為君皆舉國言之齊小白入于齊也是也

九月甲申公孫敖卒于齊注既許復之故從大夫例書

卒疏

正義曰傳稱請葬不許明年傳云葬視共仲則是不得從大夫禮葬而得從大夫例書卒者卒葬異

禮事不相連隱公書薨不書葬不成喪不以君禮成其喪也不以君禮猶得書公薨敖雖不以輕禮葬既許其

復得從  
例書卒

齊公子商人弑其君舍注舍未踰年而稱君者先君既

葬舍已即位弑君例在宣四年疏

正義曰公羊之例既葬稱子踰年稱公左

氏則不然僖九年九月晉侯詭諸卒冬晉里克殺其君之子奚齊傳曰書曰殺其君之子未葬也荀息立公子卓以葬十一月里克殺公子卓于朝經書里克弑其君卓是朱葬稱子既葬稱君不待踰年始稱君也此稱弑其君舍舍已成君故云未踰年而稱君者先君既葬舍已即位也傳云五月昭公卒舍即位後七月為商人所弑經傳無葬昭公之文又齊侯以五月而卒傳稱七月弑舍時未合葬知已葬者正以舍已稱君決知既葬春秋之世多不如禮葬之早晚時有遲速雖復違禮而葬後君葬訖即成君非計禮之葬日始成君也宣十年夏四月齊侯元年六月葬齊惠公冬齊侯使國佐來聘是葬訖成君之文也杜以成君在於既葬不以踰年為限此言未踰年者意在排舊說也

宋子哀來奔注大夫奔例書名氏貴之故書字疏

正義曰崔

杼無罪書崔氏出奔此貴子哀書其字者於例字貴於名故儀父女叔之徒皆書其字則書字是貴之常例也崔氏傳曰且告以族故因稱氏唯以不名為義

冬單伯如齊注單伯周卿士為魯如齊故書音義

單音善為

于偽反

齊人執單伯注諸侯無執王使之義故不依行人例音

義

使所史反

疏

正義曰諸侯執諸侯之大夫無罪則稱行人以見無罪之義王者之使不問有罪無罪諸

侯皆不得執之執之則為不臣以諸侯無執王使之義故單伯不依行人例言單伯身雖無罪不依使例故不

稱行人也諸侯不得執王使而諸侯之史得貶王使者史之所書周公定法已君有過猶尚書之王使有愆亦得貶也

齊人執子叔姬注叔姬魯女齊侯舍之母不稱夫人自

魯錄之父母辭疏

正義曰傳稱子叔姬妃齊昭公知舍之母也不稱夫人自魯錄之父母辭

亦不知是何公之子女魯是其父母家不言文公是其父稱子叔姬者服云子殺身執閔之故言子為在室辭十二年子叔姬卒已被杞絕是並在室也

傳十四年春頃王崩周公閱與王孫蘇爭政故不赴凡崩薨不赴則不書禍福不告亦不書注奔亡禍也

歸復福也音義

頃音傾 閱音悅疏

正義曰因崩薨而言福則福亦崩薨之類福是反

禍者也福莫大於享國有家福莫甚於亡家喪國禍亦崩薨之類相次之物且奔亡歸復其事多矣雖有

出入之例未見不告之義此傳於崩薨之末言之故知奔亡是福歸復是福也懲不敬也注

欲使怠慢者戒音義

懲直升反

○邾文公之卒也注在前

年公使弔焉不敬邾人來討伐我南鄙故惠伯伐邾

○子叔姬妃齊昭公生舍叔姬無寵舍無威公子商

人驟施於國注驟數也商人桓公子音義

妃音配 本亦作配 驟

仕救反 施式 跋反 數音朔

而多聚士盡其家貸於公有司以繼之

注家財盡從公及國之有司富者貸音義

盡車恐反貸音待又

音忒注同

夏五月昭公卒舍即位○邾文公元妃齊姜生

定公二妃晉姬生捷菑文公卒邾人立定公捷菑奔

晉○六月同盟于新城從于楚者服注從楚者陳鄭

宋且謀邾也注謀納捷菑○秋七月乙卯夜齊商人

弑舍而讓元注元商人兄齊惠公也書九月從告七

月無乙卯日誤音義

弑音試本又作殺

元曰爾求之久矣我

能事爾爾不可使多蓄憾注不爲君則恨多音義

蓄勅

六反本又作畜憾本又作感戶暗反恨也

將免我乎爾爲之注言將復殺

我音義

復扶又反

疏

正義曰言爾已殺君矣我若爲君爾將肯放免我乎言將復殺我劉炫云

爾將免我爲君之事乎

○有星孛入于北斗周内史叔服曰不

出七年宋齊晉之君皆將死亂注後三年宋弒昭公

五年齊弒懿公七年晉弒靈公史服但言事徵而不

論其占固非末學所得詳言音義

弒音試下同

疏

正義曰昭十七

年傳申須云彗所以除舊布新也天事恒象又二十六年傳晏子曰天之有彗也以除穢也宋齊晉三國之君並爲無道皆有穢德今彗出而彼死是除穢之事但未測何以知此三君當之史服但言事徵不言



其占非末學所得詳言○晉趙盾以諸侯之師八百  
故言其驗而不推其義

乘納捷菑于邾注八百乘六萬人言力有餘音義

乘繩

證反邾人辭曰齊出糴且長注糴且定公音義

糴俱縛反

徐居碧反且子餘反長丁丈反下注同

宣子曰辭順而弗從不祥乃還

注立適以長故曰辭順音義

適丁歷反

○周公將與王孫

蘇訟于晉王叛王孫蘇注王匡王叛不與而使尹氏

與聃啟訟周公于晉注訟理之尹氏周卿士聃啟周

大夫音義

聃乃甘反

趙宣子平王室而復之注使復和親

○楚莊王立注穆王子也子孔潘崇將襲羣舒使公

子燮與子儀守而伐舒蓼注即羣舒音義

變音協反守手又反

了 二子作亂城郢而使賊殺子孔不克而還八月

二子以楚子出將加商密注國語曰楚莊王幼弱子

儀為師王子燮為傅疏

正義曰按楚語蔡聲子云楚莊王方弱申公子儀父為師

王子燮為傅使潘崇子孔帥師以伐舒燮及儀父施

二帥而分其室師還至則以王如廬廬戢黎殺二子

而復廬戢黎及叔麋誘之遂殺鬬克及公子燮注廬

今襄陽中廬縣戢黎廬大夫叔麋其佐鬬克子儀也

音義

廬力於反又音盧注同  
戰側立反廩九倫反

初闕克囚于秦注在僖

二十五年秦有穀之敗注在僖三十三年而使歸求

成成而不得志注無賞報也公子變求令尹而不得

故二子作亂注傳言楚莊幼弱國內亂所以不能與

晉競○穆伯之從已氏也注在八年音義

已音紀  
又音祀

魯

人立文伯注穆伯之子穀也穆伯生二子于莒而求

復文伯以為請襄仲使無朝聽命復而不出注不得

使與聽政事終寢於家故出入不書音義

為請如字  
又于偽反

下以為請同十五年亦故此與音預

二年而盡室以復適莒文伯疾而

請曰穀之子弱注子孟獻子年尚少音義

盡津忍反復扶又反

少詩照反

請立難也注難穀弟音義

難乃多反又如字

許之文伯

卒立惠叔穆伯請重賂以求復惠叔以為請許之將

來九月卒于齊告喪請葬不許注請以卿禮葬○宋

高哀為蕭封人以為卿注蕭宋附庸仕附庸還升為

卿疏

正義曰蕭本宋邑莊十二年宋萬弑閔公蕭叔大心者宋蕭邑之大夫也平宋亂立桓公宋人

實其勞以蕭邑封叔為附庸莊二十三年蕭叔朝公是為附庸故稱朝附屬宋國故云宋附庸也宣十二

年楚子滅蕭此時蕭國仍在高哀仕於蕭國遂被拔擢升為宋卿

不義宋公而出遂

來奔注出而待放從放所來故曰遂書曰宋子哀來

奔貴之也注貴其不食污君之祿避禍速也音義

汙

辱之

○齊人定懿公使來告難故書以九月注齊人

不服故三月而後定書以九月明經日月皆從赴音

義難乃疏

正義曰商人實以七月弑舍取其位而齊人未服三月而後定定訖始來告不告舍

死之月唯言商人弑舍魯史以其九月來告即書之於九月如此傳文告以九月即書九月明經之日月皆從赴而書非褒貶詳畧也杜言齊公子元不順懿此者排先儒言日月有褒貶之義

公之爲政也終不曰公曰夫已氏注猶言某甲音義

夫音扶

疏正義曰心惡其政不以為公凡與人言欲

已音紀

稱君者終不謂之為公曰夫已斥懿公之

名也劉云甲已俱是

名故云猶言某甲

○襄仲使告于王請以王寵求

昭姬于齊注昭姬子叔姬曰殺其子焉用母請受而

罪之音義

馬於虔反

冬單伯如齊請子叔姬齊人執之注

恨魯恃王勢以求女故又執子叔姬注欲以恥辱魯

經十有五年春季孫行父如晉

三月宋司馬華孫來盟注華孫奉使鄰國能臨事制宜

至魯而後定盟故不稱使其官皆從故稱司馬音義

華戶

化反使所吏疏

正義曰成三年晉侯使荀庚來聘衛侯使孫良夫來聘丙午及荀庚盟丁未及

孫良夫盟彼先以君命行聘禮既而別與之盟故書聘又書盟此雖使來聘魯不令結盟故書盟未稱使也僖四年楚屈完來盟于師即其比也諸侯之卿例書名氏以華耦能率其屬官備禮盡儀故責其人書其官也八年宋人殺其大夫司馬宋司城來奔唯言其官不言氏族此既書司馬復曰華孫者劉炫云或以爲華耦責之既深故特書族案傳華耦魯人以為敏則君子不許是魯責之不深蓋史有文質故辭有詳畧

### 夏曹伯來朝

齊人歸公孫敖之喪注大夫喪還不書善魯感子以救

父敦公族之恩崇仁孝之教故特錄敦喪歸以示義疏  
正義曰桓十八年公之喪至自齊僖元年夫人氏之喪  
至自齊二注皆云告於廟也是公與夫人薨于外竟皆  
啟廟告至例書于策宣八年仲遂卒于垂成十七年公  
孫嬰齊卒于狸廐皆不書喪至是大夫喪還例不書此  
獨書齊人歸公孫教之喪者釋例曰公孫教縱情棄命  
既已絕位非大夫也而備書於經者惠叔毀請於朝感  
子以教父敦公族之恩崇仁孝之教故曰為孟氏且國  
故是也不言來者魯人取之齊人送之非有專使持來  
故不言來哀八年齊人歸讎及闕注云  
不言來命歸之無指使此亦彼之類也

六月辛丑朔日有食之鼓用牲于社注傳例曰非禮也

單伯至自齊



晉卻缺帥師伐蔡戊申入蔡注傳例曰獲大城曰入  
齊人侵我西鄙

季孫行父如晉

冬十有一月諸侯盟于扈注將伐齊晉侯受賂而止故  
摠曰諸侯言不足序列

十有二月齊人來歸子叔姬注齊人以王故來送子叔

姬故與直出者異文疏

正義曰傳例出曰來歸是直出之文也齊人以王之故來送叔

姬故與直出異文也使者卑微不可言齊侯使人故云  
齊人來歸九年齊人來歸僖公成風之禘定十年齊人

來歸鄆謹龜陰之田成九年晉人來賂之類  
皆是來者微賤不得稱君命故舉國稱人

齊侯侵我西鄙遂伐曹入其郛注郭郭也音義

郭音孚

傳十五年春季文子如晉爲單伯與子叔姬故也注

因晉請齊音義

爲于偽反下爲孟及下注爲惠叔皆同

○三月宋華耦

來盟其官皆從之書曰宋司馬華孫貴之也注古之

盟會必備威儀崇贊幣賓主以成禮為敬故傳曰卿

行旅從春秋時率多不能備儀華孫能率其屬以從

古典所以敬事而自重使重而事敬則魯尊而禮篤

故貴而不名音義

皆從才用反注旅從同又音如字

反疏

正義曰杜檢傳文諸言書曰者皆是仲尼新意此云其官皆從即云書曰司馬貴之明是貴其

官從故書其官也聘禮之文有上介衆介至所聘之國誓于其竟則史讀書司馬執策賈人拭玉有司展幣其從羣官多矣詩緜蠻之篇言大臣出行微臣隨從傳稱卿行旅從昭六年楚公子棄疾聘晉至於鄭竟而誓知其從人多矣盟會禮重於聘知古人盟會必備威儀崇贊幣賓之與主以成禮為敬故傳云其官皆從貴之也春秋之時率多不能備威儀故傳每言一介行李是也華孫今獨能率其官屬以從古典所以敬其君事而自鎮重也使人既重而承事恭敬則魯被尊而賓禮篤也奉使鄰國能尊主厚禮是可貴之事故仲尼貴而不名至宴無故揚其先祖之罪為已譙辭是不敏之極魯人以為敏明君子所不與

言仲尼責其官從君子嗤其失辭有善有惡傳兩舉之也釋例曰古之盟會必備禮儀示等威明貴賤各以成禮為節節制兼備則名位不愆華孫居擾攘之世而能率由古典所以敬事而自重使重而事敬則魯尊而禮萬故責之也至於宴會追稱先人之罪為已謙辭謙以失辭故傳云魯人以為敏明君子所不與也是故善惡兩舉之事也襄五年傳曰楚殺其大夫公子士夫貪也君子謂楚共王於是不刑言貪也罪壬夫不刑責共王亦是兩舉之文其事類於此也服虔云華耦為卿侈而不度以君命修好結盟舉其官屬從之空官廢職魯人不知其非反尊貴之其意以為貴之者魯人責之非君子責之案經儀父與魯結好子哀不義宋公司城效節來奔單伯自齊致命傳皆言書曰貴之實善而責之也此亦云書曰司馬華孫責之何故惡而責之也劉炫又難云此為不知其非儀父豈亦魯不知其非而責之乎孔子修春秋

裁其得失定其褒貶善惡彰於其篇臧否示於來世  
若魯人所善亦善之所惡亦惡之已無心於抑揚遂  
逐魯人之善惡筆削之勞何所施用約之以理豈其  
然哉其官皆從謂共聘之官無關當有留治政者豈  
舉朝盡行而責其空官也若以官從即責  
空官聘禮官屬不少豈周公妄制禮乎  
公與之宴

辭曰君之先臣督得罪於宋殤公名在諸侯之策臣

承其祀其敢辱君注耦華督曾孫也督弑殤公在桓

二年耦自以罪人子孫故不敢屈辱魯公對共宴會

請承命於亞旅注亞旅上大夫也音義

亞於疏正義  
嫁反疏曰尚

書牧誓武王呼羣官而誓曰司徒司馬司空亞旅孔  
安國云亞次也旅衆也衆大夫其位次卿成二年傳

魯賜晉三帥三命之服侯正亞旅受一命之服皆卿後即次亞旅知是上大夫也華孫不敢當君請受上

大夫魯人以為敏注無故揚其先祖之罪是不敏魯之宴

人以爲敏明君子所不與也疏

正義曰魯人魯鈍之人

○夏曹

伯來朝禮也諸侯五年再相朝以修王命古之制也

注十一年曹伯來朝雖至此乃來亦五年傳為冬齊

侯伐曹張本疏

正義曰周禮大行人云凡諸侯之邦交歲相問也殷相聘也世相朝也鄭

玄云父死子立曰世凡諸侯相朝皆小國朝於大國或敵國相為賓或彼君新立此往朝焉或此君新即位自往朝彼皆是世相朝也襄元年邾子來朝傳曰凡諸侯即位小國朝之是此新立而彼朝之也文九

年曾伯襄卒十一年曾伯來朝傳曰即位而來見也是彼新立而朝此也則知春秋之時猶有世相朝法與周禮合也周禮諸侯邦交唯有此法無五年再朝之制此云古之制也必是古有此法但禮文殘缺未知古是何時鄭玄云古者據今而述前代之言夏殷之時天子蓋六年一巡狩諸侯間而朝天子其不朝者朝罷朝五年再相朝者似如此然則古者據今時而道前世自不必皆道前代傳稱古者越國而謀非謂前代之人有此謀也古人有言非謂前代之人有此言也詩云我思古人非思夏殷之人也此云古者亦非必夏殷鄭言夏殷禮非也僖十五年公如齊杜云諸侯五年再相朝禮也引此證彼則是當時正法非謂前代禮也或人見僖公朝齊杜引此為證遂言五年再相朝是時霸主之法然則魯非霸主曹伯何以朝之曹豈推魯為霸主而屈已以朝之也且云古之制也即是古之聖王制為此法天子不衰諸侯無

霸明德天子豈慮世衰霸主威權不行而為之制此  
法毆諸侯以朝之此不達理之言耳然則諸侯之邦  
交者將以協近鄰結恩好安社稷息民人土宇相望  
竟界連接一世一朝疎濶太甚其於閒暇之年必有  
相朝之法周禮言世相朝者以其一舊一新彼此未  
狎於此之際必須往朝舉其禮之大者不言唯有此  
事五年再相朝正是周禮之制周禮文不具耳文襄  
之霸其務不煩諸侯以五年再朝往來大數更制三  
年一聘五年一朝所以說諸侯也五年一朝者亦謂  
朝大國耳且彼因說弔葬非獨霸主之喪明使諸侯  
相共行此禮也霸主遭時制宜非能創制改物諸侯  
或從時令或率舊章此在文襄之後仍守舊制故五  
年再相朝也傳言古之制以文襄已改故也昭十二  
年歲聘問朝是周之諸侯朝天子之法故釋例引之  
云明王之制歲聘以志業以解朝聘之數尚書周官  
六年五服一朝孔傳云一朝會京師是再朝而會周



之正禮也。若然大行人云：侯服一歲，一見；甸服二歲，一見；男服三歲，一見；采服四歲，一見；衛服五歲，一見；要服六歲，一見；拘於服數。朝者，大行人所云謂貢物而見，或君自至，或遣臣來，除此貢物之外，別有朝會之禮。沈氏以為諸侯五年再相朝，及昭十三年皆為朝。牧伯之法以間朝，以講禮與再朝而會，是三歲之朝。與六年之朝，大率言之，是五年之內再相朝也。但魯非曹之伯國，而沈云朝牧伯之禮，又昭十三年朝盟主之法，亦無明證。○齊人或為孟氏謀，注孟氏公沈氏之言，未可從也。

孫教家慶父為長庶，故或稱孟氏疏。

正義曰：公孫教慶父之子，杜以

慶父與莊公異母庶長，稱孟。雖強同於適，自稱為仲。以其實，是長庶。故時人或稱孟氏。

曰：魯爾

親也。飾棺寘諸堂，阜注堂阜。齊魯竟上地，飾棺不殯。

示無所歸音義

寘之豉反竟音境殯必刃反

疏

正義曰喪大記云飾棺君龍帷黼荒

火三列黻三列素錦褚加帷荒纁紐六大夫畫帷畫

荒火三列黻三列素錦褚纁紐二玄紐二鄭玄云飾

棺者以華道路及塋中不欲使衆惡其親也荒蒙也

在旁曰帷在上曰荒皆所以衣柩也士布帷布荒君

大夫加文章馬黼荒緣邊為黼文畫荒緣邊為雲氣

火黻為列於其中耳褚以襯覆棺又加帷荒於其上

紐所以連結帷荒者也禮之飾棺惟有此耳齊人教

之飾棺蓋依此大夫之制而為之飾置諸堂阜故為

不殯示無所歸冀魯人哀之也沈氏云飾棺即雜記

云諸侯死於道其輅有褻緇布裳帷素錦以為屋而

行大夫死於道以布魯必取之從之卞人以告注卞

為輅而行義或當然

人魯卞邑大夫音義

卞皮疏正義曰治邑大夫例呼

彥反疏為人孔子父為鄆邑大

夫謂之鄆人知此卞人是卞邑大夫其邑近堂阜故見之而告魯君惠叔猶毀以爲請

注教卒則惠叔請之至今期年而猶未已毀過喪禮

音義

期居疏正義曰教卒已向周年猶尚毀以爲請其反知教卒即請至今未已也傳言有毀是

不復應毀故知毀過喪禮也劉炫云故去年九月卒至今年夏據月未匝不得稱期年今知非者杜以傳云惠叔猶毀據日月之久欲盛言其遠故云期年但首尾二年亦得爲期年之義劉以未周十二月而規杜氏非也立於朝以待命許之取而殯之注殯於孟氏之

寢終叔服之言齊人送之書曰齊人歸公孫教之喪

爲孟氏且國故也注爲惠叔毀請且國之公族故聽

其歸殯而書之音義

爲于偽反

葬視共仲注制如慶父皆

以罪降音義

共音恭

聲已不視惟堂而哭注聲已惠叔

母怨教從莒女故惟堂音義

已音紀

疏

正義曰檀弓云尸未設臨故惟

堂小飲而徹惟至大飲之節又惟堂以至於殯恒惟

堂雜記云朝夕哭則不惟今聲已恨穆伯故朝夕哭

仍惟堂檀公又云惟殯非古自敬姜之哭穆伯始也

與此相類也敬姜者穆伯妻又伯歌之母也穆伯季

悼子之子公甫

襄仲欲勿哭注怨教取其妻惠伯曰

靖與教非一人

喪親之終也注惠伯叔彭生雖不能始善終可也史

佚有言曰兄弟致美注各盡其美義乃終音義

佚音逸

救乏賀善弔災祭敬喪哀情雖不同毋絕其愛親之

道也子無失道何怨於人襄仲說帥兄弟以哭之他

年其二子來注教在莒所生音義母音無說音悅疏正義曰

謂助祭於兄弟之家盡其敬也喪哀者謂兄弟死喪之事竭其哀也情雖不同謂內相怨恨情雖不能和

同當毋絕其愛是相親之道也孟獻子愛之聞於國注獻子殺之子

仲孫蔑音義聞音問或如字下同蔑亡結反或諧之曰將殺子獻子

以告季文子二子曰夫子以愛我聞我以將殺子聞不亦遠於禮乎遠禮不如死一人門于句麗一人門

于戾丘皆死注句黷戾丘魯邑有寇攻門二子禦之

而死音義

遠于萬反下同句七侯反黷又作黷莫幸反戾力計反

疏

正義曰句黷戾丘有

寇攻門不書者服虔云魯國中小寇非異國侵伐故不書也

○六月辛丑朔日有

食之鼓用牲于社非禮也注得常鼓之月而於社用

牲爲非禮疏

正義曰此與莊二十五年經文正同彼傳云非常此傳云非禮者彼失常鼓之

月言鼓之爲非常此得常鼓之月而用牲爲非禮彼云六月實是七月傳因日月之變以起時歷之誤故釋例曰文十五年與莊二十五年經文皆同而更復發傳曰非禮者明前傳欲以審正陽之月後傳發例欲以明諸侯之禮而用牲爲非禮也此乃聖賢日有之微旨而先儒所未喻也是解二傳不同之意

食之天子不舉注去盛饌音義

去起呂反  
饌仕音反  
疏正義曰  
周禮膳

夫掌王之食飲膳羞以養王及后世子王日一舉鼎  
十有二物皆有俎天地有災則不舉鄭玄云殺牲盛  
饌曰舉今云天子不舉  
是去盛饌貶膳食也  
伐鼓于社注責羣陰伐猶擊

也疏

正義曰郊特牲云社祭土而主陰氣也君南鄉  
於北墉下答陰之義也論語云鳴鼓而攻之伐

鼓者是攻責之事故云責羣陰也日食者陰侵陽故  
責陰以救日孔安國尚書傳云凡日食天子伐鼓于  
社責上公然則社以上公配食天子伐鼓責羣陰亦  
以責上公也諸侯用幣于社請上公亦以請羣陰也

互相  
備也

諸侯用幣于社注社尊于諸侯故請救而不敢

責之疏

正義曰昭二十九年傳曰封為上公祀為貴  
神社稷五祀是尊是奉是社為上公之神尊

於諸侯禮用幣者皆是告請神明之事以社尊故用幣請救而不敢攻責也陰侵陽而請陰者請止而勿使陽也伐鼓于朝注退自責以昭事神訓民事君注天

子不舉諸侯用幣所以事神尊卑異制所以訓民疏正義曰天子不舉自貶食耳而以為事神者畏敬神明乃自貶損撤膳不舉亦是事神之義故通以不舉為事神也示有等威古之道也注等威威儀之等差音義神也

差初佳反  
又初宜反

○齊人許單伯請而赦之使來致命注以

單伯執節不移且畏晉故許之書曰單伯至自齊貴之也注單伯為魯拘執既免而不廢禮終來致命故



貴而告廟音義

爲于偽反下似爲同拘音俱

○新城之盟注在前

年蔡人不與注不會盟音義

與音預下同

晉卻缺以上軍

下軍伐蔡注兼帥二軍曰軍弱不可以怠注怠解也

音義

解佳費反

戊申入蔡以城下之盟而還凡勝國曰滅

之注勝國絕其社稷有其土地音義

還音旋

獲大城焉

曰入之注得大都而不有疏

正義曰此傳已發凡例襄十三年復發傳云用

大師曰滅弗地曰入再發例者兵之所加不可細舉故舉舊策之典以例而言用大師起大衆重力以陷敵國而有之故曰勝國通以滅為文也以成師重力雖獲大城得而弗有故直以出入為辭曰入之而已

城不包地國不通邑滅邑  
必主大師是故再發例也

○秋齊人侵我西鄙故季

文子告于晉○冬十一月晉侯宋公衛侯蔡侯鄭伯

許男曹伯盟于扈尋新城之盟且謀伐齊也注齊執

王使且數伐魯音義

使所吏反下王使同數音朔

齊人賂晉侯故

不克而還於是有齊難是以公不會注明今不序諸

侯不以公不會故音義

難乃旦反下注同

書曰諸侯盟于扈

無能為故也注惡其受賂不能討齊音義

惡烏路反

凡諸

侯會公不與不書諱君惡也注謂國無難不會議事

故為惡不書謂不國別序諸侯與而不書後也注謂

後期也今貶諸侯以為公諱故傳發例以明之音義

為于疏正義曰七年公會諸侯晉大夫盟于扈傳曰  
偽反疏公後至故不書所會因發例云凡諸侯不書

所會後也後至不書其國辟不敏也彼乃議事而君  
後期諱君之惡故摠稱諸侯此亦摠稱諸侯不會非

公之罪而經文相似傳辯諸嫌故更復發例而以善  
形惡凡諸侯為議事聚會而公不與則不歷書諸國

諱君惡也若公實預會而亦不書諸國為公後期也  
即七年扈之盟是也今與此會受賂舍罪致使魯有

齊患公雖不與非公之罪經與後期文同似為公  
諱故傳發例以明之此會公雖不與非公惡也 ○

齊人來歸子叔姬王故也注單伯雖見執能守節不

移終遠王命使叔姬得歸○齊侯侵我西鄙謂諸侯

不能也注不能討已遂伐曹入其郭討其來朝也注

此言夏朝季文子曰齊侯其不免乎已則無禮注執

王使而伐無罪音義

已音紀使所吏反

而討於有禮者曰女

何故行禮禮以順天天之道也已則反天而又以討

人難以免矣詩曰胡不相畏不畏于天注詩小雅音

義

女音汝相息亮反又如字

疏

正義曰言曰者原齊侯之意而爲之辭也責曹曰女何故行禮謂責

於朝魯也天道以卑承尊人道以小事大禮者自卑而尊人朝者謙順以行禮行禮以順天是天之道也

○此詩小雅而無正之篇胡何也詩人責朝廷之臣  
女羣臣上下何以不相畏乎女上下不相畏乃是不  
畏于天也

君子之不虐幼賤畏于天也在周頌曰畏天之  
威于時保之注詩周頌言畏天威于是保福祿不畏  
于天將何能保以亂取國奉禮以守猶懼不終多行  
無禮弗能矣注爲十八年齊弑商人傳音義

守手  
又反

春秋左傳注疏卷十九

春秋左傳注疏卷十九考證

叔仲彭生會晉郤缺于承筐音義叔又作州○

臣浩按

叔又作州四字疑衍

叔孫得臣敗狄于鹹注鹹魯地○

臣召南按杜顯言魯

地以異于僖十三年齊桓會諸侯之鹹也

傳潘崇復伐麋至于錫穴○

臣召南

按地理志漢中郡

錫縣注應邵曰音陽師古曰即春秋所謂錫穴

傳齊襄公之二年注魯桓之十六年○

臣召南

按史記

魯世家曰齊惠公二年鄭瞞伐齊齊王子城父獲其弟榮如埋其首于北門裴駘集解曰按年表齊惠公二年魯宣公之二年也史記于此事全用左傳首尾而以爲惠公二年事則異矣

季孫行父帥師城諸及鄆注鄆莒魯所爭者○臣召南按魯地名鄆者有二此年季孫所城東鄆也與莒分界今沂水縣北之團城是成四年城鄆以備晉及昭公所居此西鄆也今鄆城縣東有故城



傳且請絕叔姬注未歸而卒○歸監本訛作筭今改正  
傳羣舒叛楚○臣浩按魯頌曰荆舒是懲傳于此言叛  
楚則知從前結連比附之日久矣

傳秦伯使西乞術來聘○臣召南按劉敞曰內大夫未  
賜族者猶不氏安知此術非未賜族者乎按西乞術  
于戰殺時已氏西乞則杜注所云術不稱氏史略文  
未可駁也

傳寡君敢辭玉○趙汭補注曰聘義以圭璋聘重禮也

已聘而還圭璋此輕財而重禮之義也然則禮終必還玉非不欲與秦為好也傳錄賓主辭令以見秦人之進于禮下云國無陋矣是也杜說非

又疏其意欲致與主國且受之而襄仲辭之者為不欲與秦為好因謙退辭還也○監本訛作且主之且襄仲辭之者為不欲與秦為好國謙退禮終還訛謬不可斷句今訂正

傳其處者為劉氏○臣召南按孔氏疑此文為漢儒所

加不易之論也

邾人伐我南鄙叔彭生帥師伐邾○臣浩按叔彭生即

十一年會卻缺于承匡之叔仲彭生也陸氏謂仲衍  
字觀此經殆信

傳宋華耦來盟其官皆從之書曰宋司馬華孫貴之也

○葉夢得曰諸侯相聘使介有常不聞其官皆從也  
以此為貴豈春秋之意哉趙汭補注曰華孫公子鮑  
之黨來盟蓋結魯以輔篡不稱使不名者非時君所

使無所受命從史文也書官者夫子持筆使與八年之書官者相首尾以異其事左氏於筆削之旨無傳惟穀梁傳曰以其官稱無君之辭也惜為其學者不能發明

傳諸侯五年再相朝以修王命古之制也○劉敞曰尚書周官六年五服一朝不得於諸侯亦五年一朝也大行人職曰凡諸侯邦交歲相問殷相聘世相朝此為得中趙汭補注曰曹伯以文十一年來朝至十五

年再來偶合五年之數傳遂以爲古制由不見周禮  
耳

春秋左傳注疏卷十九考證

謹按第八頁後二行女未笄而卒不書刊本監本

毛本笄訛嫁今據宋本改

第九頁前三行凡四器圭唯其所寶諸本圭訛者

據宋本改

第十頁前八行注代步招刊本招訛昭音義同並

據宋本改

第十三頁前八行則此室是室之最大者諸本則

訛言據宋本改

第二十一頁後二行書其字者諸本者訛云據宋本改

第二十九頁前六行故傳每言一介行李是也諸本介訛个今據宋本改

第三十五頁前四行君南鄉於北墉下諸本墉訛牖據宋本改



欽定四庫全書

覆校官編修臣張秉愚

校對官修撰臣張書勲

膳錄監生臣徐士俊

欽定四庫全書薈要

經部

左傳注疏卷二十一



春秋左傳注疏卷二十

起文公十六年盡十八年

晉杜氏注 唐陸德明音義 孔穎達疏

經十有六年春季孫行父會齊侯于陽穀齊侯弗及盟  
注及與也

夏五月公四不視朔注諸侯每月必告朔聽政因朝於廟今公以疾闕不得視二月三月四月五月朔也春秋十二公以疾不視朔非一也義無所取故特舉此以表

行事因明公之實有疾非詐齊疏

正義曰天子頒朔於諸侯諸侯受而藏之

於祖廟每月之朔以特羊告廟受而施行之遂聽治此月之政謂之視朔因其日又以朝享之禮祭皇考以下謂之朝廟此年公疾自二月至於五月已經四月不得視朔故書公四不視朔傳稱正月及齊平公有疾使季文子會齊侯則正月公初疾不得視二月朔至五月而四故知不得視二月三月四月五月朔也春秋十二公二百四十二年計有三千餘月公以疾不視朔當非一也餘皆不書而此獨書者公身有疾不得視朔國事不廢義無所取因此齊侯疑公故特舉此以表行事餘皆從可知也釋例曰魯之羣公以疾不視朔多矣因有事而見一此猶釋不朝正之義是其事也又於時齊侯不信公實有疾書此者且明公實有疾非詐齊也史之所書當書其始不於二月書之而以五月書者二月公始有疾未知來月瘳否不得豫書其數至六月公瘳乃

積前數之闕故以五月書四也昭二十三年公如晉至河有疾乃復彼書有疾此不言有疾者在道而還客有他故昭十二年十三年公如晉至河乃復皆為晉人辭公而還非為疾也故須書有疾以辯之公不視朔惟有疾耳無所分辯故不書疾也告朔謂告於祖廟視朔謂聽治月政視朔由公疾而廢其告朔或有司告之不必廢也論語云子貢欲去告朔之餼羊必是廢其禮而羊在蓋從是以後更有不告朔者故欲去其羊耳六年閏月不告月書經以譏之在後若不告朔不復書之者蓋以閏月不告其譏已明故於後不復譏之閏二年吉禘于莊公已譏其速文二年大事于大廟不復譏之當亦如彼之類不重譏也

六月戊辰公子遂及齊侯盟于鄆丘注信公疾且以賂

故鄆丘齊地音義

鄆音西又  
七西反

秋八月辛未夫人姜氏薨注僖公夫人文公母也

毀泉臺注泉臺臺名毀壞之也音義

壞音怪

楚人秦人巴人滅庸音義

巴必麻反

冬十有一月宋人弑其君杵臼注稱君君無道也例在

宣四年音義

杵昌呂反  
臼强柳反

傳十六年春王正月及齊平注齊前年再伐魯魯為

受弼故平音義

爲于  
偽反

公有疾使李文子會齊侯于陽

穀請盟齊侯不肯曰請俟君間注間疾瘳音義

間如  
字瘳

勅周反  
差也

○夏五月公四不視朔疾也公使襄仲納賂

于齊侯故盟于鄆丘○有蛇自泉宮出入于國如先

君之數注伯禽至僖公十七君音義

伯禽至僖公十七君史記魯世

家魯公伯禽子考公首弟煬公熙子幽公宰弟魏公  
潰子厲公擢弟獻公具子真公濞弟武公敖子懿公  
戲弟孝公稱子惠公弗皇子隱公息姑弟桓公允子  
莊公同子閔公開兄僖公申十七也魏公世本作微  
公真公一疏正義曰魯世家魯公伯禽子考公首弟  
作慎公煬公熙子幽公宰弟魏公潰子厲公擢  
弟獻公具子真公濞弟武公敖子懿公戲弟孝公稱  
子惠公弗皇子隱公息姑弟桓公允子莊公同子閔  
公開兄僖公申周公不之魯  
從魯公數之爲十七君也

秋八月辛未聲姜薨毀

泉臺注魯公以爲蛇妖所出而聲姜薨故壞之音義

壞音

疏

正義曰蛇自宮出而毀其臺則臺在宮內人見從宮而出毀臺并毀其宮也注正義曰人

見蛇出而姜薨以爲臺是妖之穴仍謂此處有妖更將爲害毀之所以絕其源安民意也故釋例曰衆蛇自泉臺出如先君之數入於國聲姜之薨適與妖會而國以爲災遂毀泉臺書毀而不變文以示義曰君人之心一國之俗須此爲安故不譏也以不變文知不譏也不書蛇入國者鵲鵠非魯國之有故書其所無蛇是魯地所有姜薨不由此蛇凡物不爲災則不書也○楚大饑戎伐其西南

至于阜山師于大林又伐其東南至于陽丘以侵訾

枝注戎山夷也大林陽丘訾枝皆楚邑音義

饑音飢  
一音機



管子疏

正義曰四夷之名隨方定稱則曰東夷西戎

斯反南蠻北狄其當處立名則各從方號故北戎

病燕齊侯伐山戎北方得有戎故楚西亦有戎

我是山間之民夷為四方總號故云戎山夷也庸人

帥羣蠻以叛楚注庸今上庸縣屬楚之小國麋人率

百濮聚於選將伐楚注選楚地百濮夷也音義

濮音卜選息充疏正義曰將欲伐楚聚於此地故知

反又息戀反是楚地也牧誓武王伐紂有庸濮

從之孔安國云庸濮在江漢之南是濮為西南夷也

釋例曰建寧郡南有濮夷濮夷無君長總統各以邑

落自聚故稱百濮也下云於是申息之北門不啓注

各走其邑是無君長統之

備中國疏正義曰申息北接中國有寇比

從北來故二邑北門不敢開也楚人謀徙

於阪高注楚險地音義

阪音反一音扶板反

爲賈曰不可我能

往寇亦能往不如伐庸夫麋與百濮謂我饑不能師

故伐我也若我出師必懼而歸百濮離居將各走其

邑誰暇謀人乃出師旬有五日百濮乃罷注濮夷無

屯聚見難則散歸音義

爲于委反屯徒門反聚才住反又如字難乃旦反又如字

自廬以往振廩同食注往往伐庸也振發也廩倉也

同食上下無異饌也音義

廬力於反又音廬康力甚反

次于句瀝

注楚西界地音義

句古侯反瀝市世反

使廬戢黎侵庸注戢黎

廬大夫及庸方城注方城庸地上庸縣東有方城亭

庸人逐之囚子揚窻注窻戢黎官屬音義窻初江反三宿

而逸曰庸師衆羣蠻聚焉不如復大師注還復句澁

師且起王卒合而後進師叔曰不可注師叔楚大夫

潘尫也音義辛子忽反尫烏黃反姑又與之遇以驕之彼驕我

怒而後可克先君蚡冒所以服陞隰也注蚡冒楚武

王父陞隰地名音義可克或作可擊蚡扶粉反冒莫報反史記楚世家云蚡冒卒弟

熊達殺蚡冒子而代立是為楚疏正義曰劉炫云按

武王與杜異陞音刑隰音習楚世家蚡冒卒弟

熊連殺蚡冒子而代立是為楚武王則蚡冒是兄不  
得為父今知不然者以世家之文多有純繆與經傳  
異者非是一條杜氏非不見其文但見而不用耳劉  
以世家而規杜非也言服陘陘則陘陘本是他國蚡  
冒始服之也釋例陘陘與僖四年次于陘為一地潁  
川召陵縣南有陘亭楚自武王始居江漢之間則蚡  
冒之時未至中土不應已能越申息服潁川之邑疑非也又與之遇七遇皆北注  
軍走曰北音義北如字一音佩唯裨僚魚人實逐之注裨僚

魚庸三邑魚魚復縣今巴東永安縣輕楚故但使三

邑人逐之音義

裨被支反僚直留反

庸人曰楚不足與戰矣遂

不設備楚子乘驛會師于臨品注驛傳車也臨品地

名音義

驛人實反  
傳丁戀反

疏

正義曰釋言云驛傳也舍人曰驛尊者之傳也郭璞曰傳車驛

馬之名也

分爲二隊注隊部也兩道攻之音義

隊徒對反注同

子

越自石溪子貝自飯以伐庸注子越鬪椒也石溪仞

入庸道音義

溪苦兮反本又作谿貝蒲蓋反今俗本多作員音云仞人慎反

秦人巴

人從楚師羣蠻從楚子盟注蠻見楚強故遂滅庸注

傳言楚有謀臣所以興○宋公子鮑禮於國人注鮑

昭公庶弟文公也音義

鮑布卯反

宋饑竭其粟而貸之年

自七十以上無不饋詒也時加羞珍異注羞進也音

義

上時掌反饋其媿反詒以支反又以志反遺也

無日不數於六卿之門注

數不疏音義

數音朔注同

國之材人無不事也注有賢材

者親自桓以下無不恤也注桓鮑之曾祖疏

正義曰禮於國

人總言接待之也竭其粟而貸與國之饑民也禮與人物曰饋詒遺也饋詒皆是與人物之名也民年七十以上無有不饋詒以飲食也珍異謂非常美食蓋進也時加進珍異者謂四時初出珍異之物也無有一日不數數於六卿之門言參請不絕也國之賢材之人無不事公子皆事之也其族親自桓公以下子孫無不恤公子皆賑恤之也公子鮑美而豔襄夫人欲通之注鮑

適祖母音義

豔以驗反適丁歷反

而不可注以禮自防閑乃助

之施昭公無道國人奉公子鮑以因夫人於是華元

爲右師注華元督曾孫代公子成音義

施式疏

正義曰世

本云華胥生世子家家生華孫御事生華元右師是也

公孫友爲左師華耦爲

司馬注代公子卬鱗鱗爲司徒蕩意諸爲司城公子

朝爲司寇注代華御事音義

鱗古亂反朝如字

初司城蕩卒

公孫壽辭司城注壽蕩之子請使意諸爲之注意諸

壽之子旣而告人曰君無道吾官近懼及焉注禍及

已棄官則族無所庇子身之貳也姑紓死焉注姑且

也紓緩也音義

庇必利反又悲位反紓音舒

雖亡子猶不亡族注

已在故也既夫人將使公田孟諸而殺之公知之盡以寶行蕩意諸曰盍適諸侯公曰不能其大夫至于

君祖母以及國人注君祖母諸侯祖母之稱謂襄夫

人音義

孟戶臘反稱尺證反

疏

正義曰襄十六年傳蒯賁告周云蒯賁得罪于君父君母謂母

爲君母則祖母爲君祖母矣故云君祖母者諸侯祖母之稱也昭公成公之子襄公之孫故襄夫人是其祖母也

諸侯誰納我且既爲人君而又爲人臣不如死

盡以其寶賜左右而使行注行去也夫人使謂司城



去公對曰臣之而逃其難若後君何注言無以事後

君音義

難乃旦反

○冬十一月甲寅宋昭公將田孟諸未

至夫人王姬使帥甸攻而殺之注襄夫人周襄王姊

故稱王姬帥甸郊甸之帥音義

甸徒反

疏

正義曰周禮載師云以宅

田士田賈田任近郊之地以官田牛田賞田牧田任  
遠郊之地以公邑之田任甸地以家邑之田任稍地  
以小都之田任縣地以大都之田任疆地凡任地近  
郊十一遠郊二十而三甸稍縣都皆無過十二彼從  
國都而出計遠近節級而別為之名鄭玄引司馬法  
王國百里為郊二百里為州甸三百里為野稍四百  
里為縣五百里為都諸侯之與天子竟雖不同亦當  
近國為郊郊外為甸天子之甸為公邑之田則諸侯

之甸亦公邑也帥甸者甸地之帥當是公邑之大夫也獨言帥甸無以相明故舉類言之云郊甸之帥其實正是甸地之帥非郊地之帥也蕩意諸死之注不書不告書曰宋

人弑其君杵臼君無道也注始例發於臣之罪今稱

國人故重明君罪音義

重直用反

疏

正義曰宣四年傳例曰凡弑君稱君君無

道也稱臣臣之罪也彼是弑君大例經下注云例在宣四年指彼例也彼雖在此之後乃是例之初始故謂彼為始例彼因歸生弑君而發傳例是始例發於臣之罪也此稱宋人弑其君文異於彼故重明君罪謂與彼例為重也釋例曰鄭靈文公即位使母弟須宋昭文異而例同重發以同之

為司城注代意諸華耦卒而使蕩虺為司馬注虺意

諸之弟音義

虺况  
鬼反

經十有七年春晉人衛人陳人鄭人伐宋注自閔僖以

下終於春秋陳侯常在衛侯上今大夫會在衛下傳不

言陳公孫寧後至則寧位非上卿故也疏

正義曰釋例班序譜自隱

至莊十四年四十三歲衛與陳凡四會衛在陳上莊十

五年盡僖十七年三十五歲凡八會陳在衛上莊十六

年幽盟之下注云齊桓始霸楚亦始彊陳侯介於二大

國之間而為三恪之客故齊桓因而進之遂班在衛上

終於春秋但齊桓升陳於衛上乃在莊之中年不得以

莊為始故云自閔僖以下終於春秋陳侯常在衛上也

今此大夫會伐宋貶之稱人而陳在衛下襄二十六年

澶淵之會傳稱宋向戌後至退在鄭良霄之下此傳其

歷序大夫之名不言公孫寧以後至被退成三年傳曰次國之上卿當大國之中中當其下下當其上大夫彼言大夫位有尊卑次序以之升降則公孫寧位非上卿故降在衛下也檢春秋上下亦有後至無傳而杜云後至者則秦小子憖是也案彼則公孫寧未必非後至但杜弘通兩解故云非上卿耳

# 夏四月癸亥葬我小君聲姜

## 齊侯伐我西鄙注西當為北蓋經誤音義

西當為北出注疏正義

曰經言西鄙傳言北鄙服虔以為再來伐魯西鄙書北鄙不書諱仍見伐按經十五年秋齊人侵我西鄙冬齊侯侵我西鄙僖二十六年春齊人侵我西鄙夏齊人伐我北鄙皆仍見侵伐書而不諱此何獨諱而不書凡言諱者諱國惡也齊侯無道而伐我我非有惡而可諱何以諱其仍伐故知正是一事經文誤耳知非傳誤者魯

求與平即盟於穀穀是濟北穀城縣也穀在魯北知北鄙是也

六月癸未公及齊侯盟

于穀

諸侯會于扈注昭公雖以無道見弑而文公猶宜以弑

君受討故林父伐宋以失所稱人晉侯平宋以無功不

序明君雖不君臣不可不臣所以督大教音義

弑本或作殺音

試下

疏

正義曰弑君稱君君之罪者欲以懲創人君使為鑒戒不書弑者之名以見君亦合死其君雖

則合死要非臣所得弑故文公宜以弑君受討林父稱人諸侯不序責死者罪弑者所以督大教大教謂尊君

卑臣之

教也

秋公至自穀注無傳

冬公子遂如齊

傳十七年春晉荀林父衛孔達陳公孫寧鄭石楚伐宋討曰何故弑君猶立文公而還卿不書失其所也

注卿不書謂稱人○夏四月癸亥葬聲姜有齊難是

以緩注過五月之例音義

難乃旦反下及注皆同

○齊侯伐我

北鄙襄仲請盟六月盟于穀注晉不能救魯故請服

○晉侯蒐于黃父注一名黑壤晉地音義

父音甫壤如丈反

遂復合諸侯于扈平宋也注傳不列諸國而言復合

則如上十五年會扈之諸侯可知也音義

復扶又反注同

公

不與會齊難故也書曰諸侯無功也注刺欲平宋而

復不能音義

與音預

於是晉侯不見鄭伯以爲貳於楚

也鄭子家使執訊而與之書以告趙宣子注執訊通

訊問之官爲書與宣子音義

訊音信

疏

正義曰使執訊使之行適晉也

與之書與此執訊書今持以告宣子

曰寡君即位三年注魯文二年召

蔡侯而與之事君九月蔡侯入于敝邑以行注行朝

晉也敝邑以侯宣多之難寡君是以不得與蔡侯偕

注宣多既立穆公恃寵專權音義

偕音皆

十一月克減

侯宣多而隨蔡侯以朝于執事注減損也難未盡而

行言汲汲于朝晉音義

汲音急

十二年六月歸生佐寡

君之嫡夷注歸生子家名夷大子名音義

嫡丁歷反

以請

陳侯于楚而朝諸君注請陳于楚與俱朝晉十四年

七月寡君又朝以歲陳事注歲勅也勅成前好音義

歲勅展反勅也前好

疏

正義曰歲之為勅無正訓也先儒相傳為然賈服皆云歲



也勅十五年五月陳侯自敝邑往朝于君往年正月燭

之武往朝夷也注將夷往晉朝八月寡君又往朝以

陳蔡之密邇於楚而不敢貳焉則敝邑之故也注密

邇比近也音義

比毗志反

雖敝邑之事君何以不免注免

免罪也在位之中一朝于襄注襄公音義

朝直遣反

而再

見于君注君靈公也音義

見賢通反

疏

正義曰鄭穆公以

僖三十三年即位

晉襄公以文公六年卒一朝于襄三年十一月也再見于君十四年七月往年八月也或者十四年七月寡君又朝勅成陳事再見于君謂往年正月燭之武往朝夷八月寡君又朝是也夷與孤之

二三臣相及於絳注孤之二三臣謂燭之武歸生自

謂也絳晉國都疏

正義曰禮諸侯與臣民言自謂寡人小國之君自稱曰孤臣與他國

之人言稱已君為寡君此歸生對晉稱已君當云寡君之二三臣昭十九年子產對晉人云寡君之二三臣札瘥天昏是其事也此言孤者蓋鄭伯身自對晉或自稱孤歸生因即以孤言其君也雖我小

國則蔑以過之矣今大國曰爾未逞吾志敝邑有亡

無以加焉古人有言曰畏首畏尾身其餘幾注言首

尾有畏則身中不畏者少音義

幾居豈反

又曰鹿死不擇

音注音所蓀蔭之處古字聲同皆相假借音義

蓀虛求反

蔭於疏正義曰釋言云庇蔭也舍人曰庇蔽也蔭

鵠反依止也郭璞曰今俗呼樹蔭為蔭杜意言本

當作蔭古字聲同皆相假借故傳作音言鹿死不擇

庇蔭之處喻已不擇所從之國欲復楚也服虔云鹿

得美草呦呦相呼至於困迫將死不暇復擇善音急

之至也劉炫從服說以為音聲謂不擇音聲而出之

難杜今知不然者以傳云鋌而走險急何能擇言走

險論其依止之處以其怖急得險則停不能選擇寬

靜蔭蔭之所傳文所論止言其出處所在不論音小

聲好惡故杜不依服義劉以為音聲而規杜非也小

國之事大國也德則其人也注以德加已則以人道

相事不德則其鹿也鋌而走險急何能擇注鋌疾走

貌言急則欲蔭庇於楚如鹿赴險音義

鋌他項反庇必利反又悲

位反本疏

正義曰鉅文連走故為疾走貌

命之罔極亦知亡矣注言

晉命無極將悉敝賦以待於儵唯執事命之注儵晉

鄭之竟言欲以兵距晉音義

儵直留反竟音境

文公二年六

月壬申朝于齊注鄭文二年六月壬申魯莊二十三

年六月二十四日四年二月壬戌為齊侵蔡注魯莊

二十五年二月無壬戌壬戌三月二十日音義

為于陽反

亦獲成於楚注鄭與楚成居大國之間而從於強令

豈其罪也注令號令也大國若不圖無所逃命晉鞏

朔行成於鄭趙穿公壻池爲質焉注趙穿卿也公壻

池晉侯女壻音義

鞏九勇反質音致下同

○秋周甘歆敗戎于

邲垂乘其飲酒也注歆周大夫邲垂周地河南新城

縣北有垂亭爲成元年晉侯平戎于王張本音義

歆昌

欲反邲於審反○冬十月鄭太子夷石楚爲質于晉注夷靈

公也石楚鄭大夫○襄仲如齊拜穀之盟復曰臣聞

齊人將食魯之麥以臣觀之將不能齊君之語儉臧

文仲有言曰民主偷必死注偷猶苟且音義

偷他侯反

經十有八年春王二月丁丑公薨于臺下

秦伯罾卒注無傳未同盟而赴以名音義

罾於耕反

夏五月戊戌齊人弑其君商人注不稱盜罪商人疏

正義

曰弑君稱臣臣之罪賤臣弑君則稱盜哀四年盜殺蔡侯申是也盜字當臣名之處以賤不得書名變文謂之盜耳此弑商人者卿蹇閭職亦應書盜不稱盜弑者罪商人今從弑君稱君之例也

六月癸酉葬我君文公

秋公子遂叔孫得臣如齊注書二卿以兩事行非相爲

介音義

介音界

疏

正義曰卿為卿介則書使不書介僖二十六年公子遂藏孫辰如楚乞師書遂

不書辰是其正也襄十四年季孫宿叔老並書之者晉人敬之自爾以後晉人輕魯幣而益敬其使故特兩書之於法不應書也此傳稱惠公立故且拜葬是以兩事行非相為介故並書之耳定六年季孫斯仲孫何忌如晉傳稱桓子獻鄭俘孟孫報夫人之幣亦以兩事行故並書之但彼非是同時受命經應各自為文但以晉人輕之故不覺自別書與此意少異也

冬十月子卒注先君既葬不稱君者魯人諱弑以未成

君書之子在喪之稱音義

弑申志反本又作殺之稱尺澄反

疏

正義曰葬公子

商人弑其君舍以先君既葬故稱君也此亦先君既葬不稱君者魯人諱弑成君以未成君書之也子者葬前在喪之稱也若言猶在喪而自卒然諱之也釋例曰公子惡魯之正適嗣位免喪則魯君也襄仲遂倚齊而弑

之國以為諱故不稱  
君若言君之子也

夫人姜氏歸于齊

季孫行父如齊注無傳

莒弑其君庶其注稱君君無道也疏

正義曰楚世子商臣弑君言世子此

傳稱太子僕因國人以弑紀公不稱世子而稱君者以見君無道傳言多行無禮於國是其無道之狀十六年宋人弑其君杵臼稱國又稱人此直云莒弑其君庶其不稱人者釋例曰劉賈許穎以為君惡及國朝則稱國以弑君惡及國人則稱人以弑按傳鄭靈宋昭經文異而例同故重發以同之子弑其父又嫌異於他臣亦重明其不異既不辟辯國之與人而傳云莒紀公多行無禮於國太子僕因國人以弑之經但稱國不稱人知國



之與人雖言  
別而事同也

傳十八年春齊侯戒師期注將以伐魯而有疾醫曰  
不及秋將死公聞之卜曰尚無及期注尚庶幾也欲

令先師期死音義

令力呈反先  
悉薦反下同

惠伯令龜注以卜事

告龜疏

正義曰周禮大卜大祭祀則眡高命龜鄭玄  
云命龜告龜以所卜之事士喪禮卜葬命龜

云哀子某來日某卜葬其父某甫考降無有近悔如  
此之類是令龜之辭也令者告令使知其意與命同

也卜楚丘占之曰齊侯不及期非疾也君亦不聞注

言君先齊侯終令龜有咎注言令龜者亦有凶咎見

於卜兆爲惠伯死張本音義

見賢通反

二月丁丑公薨○

齊懿公之爲公子也與邴歆之父爭田弗勝及即位

乃掘而刖之注斷其尸足音義

邴音丙又彼病反歆昌欲反掘其勿反又

其月反刖音月又五刮反斷丁管反

而使歆僕注僕御也納閭職之妻

而使職驂乘注驂乘陪乘音義

驂七南反乘繩證反注同

夏五月

公游于申池注齊南城西門名申門齊城無池唯此

門左右有池疑此則是二人浴于池歆以扑扶職注

扑簋也扶擊也欲以相感激音義

扑普卜反字宜從手作木邊非也扶

勅乙反蕃市藥反又之藥反激古歷反

職怒歎曰人奪女妻而不怒一

扶女庸何傷職曰與別其父而弗能病者何如注言

不以父別爲病恨音義

女音汝

乃謀弑懿公納諸竹中

歸舍爵而行注飲酒訖乃去言齊人惡懿公二人無

所畏音義

舍音赦置也惡烏路反

齊人立公子元注桓公子惠

公○六月葬文公○秋襄仲莊叔如齊惠公立故且

拜葬也注襄仲賀惠公立莊叔謝齊來會葬○文公

二妃敬嬴生宣公敬嬴嬖而私事襄仲宣公長而屬

諸襄仲襄仲欲立之叔仲不可注叔仲惠伯音義

音贏

盈慶必計反長丁丈反屬音燭

仲見于齊侯而請之齊侯新立而欲

親魯許之音義

見賢通反

疏正義曰惡是齊甥齊侯許廢惡者惡以世適嗣立不受齊

恩宣以非分得國荷恩必厚齊侯新立欲親魯為援故許之

○冬十月仲殺惡及

視而立宣公注惡大子視其母弟殺視不書賤之書

曰子卒諱之也仲以君命召惠伯注詐以子惡命疏

正義曰傳因殺惡之下即云而立宣公其實宣公之立當在惠伯死後惡雖已死未告外人故詐以子惡之命召惠伯使入公冉務人疑其宮内有變謂非其子惡之命故入必死云耳亦未是審知惡已死也

宰公冉務人止之曰入必死叔仲曰死君命可也公冉務人曰若君命可死非君命何聽弗聽乃入殺而埋之馬矢之中注惠伯死不書者史畏襄仲不敢書殺惠伯音義聽吐定反公冉務人奉其帑以奔蔡既而復叔仲氏注不絕其後○夫人姜氏歸于齊大歸也注惡視之母出姜也嫌與有罪出者異故復發傳音義復扶又反將行哭而過市曰天乎仲爲不道殺適立庶市人皆哭魯人謂之哀姜注所謂出姜不允於魯音義

過古禾反又古  
臥反適丁歷反

○莒紀公生大子僕又生季佗愛季

佗而黜僕且多行無禮於國注紀號也莒夷無諡故

有別號音義

佗徒何反

僕因國人以弑紀公以其寶玉來

奔納諸宣公公命與之邑曰今日必授季文子使司

寇出諸竟曰今日必達注未見公而文子出之故來

不書音義

竟音境

公問其故季文子使大史克對曰先

大夫臧文仲教行父事君之禮行父奉以周旋弗敢  
失隊曰見有禮於其君者事之如孝子之養父母也

見無禮於其君者誅之如鷹鷂之逐鳥雀也音義

史大

音泰隊直類反養餘亮反鷹於陵反鷂之然反說文止仙反字林已仙反疏正義曰釋鳥

璞曰來當為與字之誤耳左傳作爽鳩是也又云晨風鷂舍人曰晨風名鷂鷂鷂鳥名郭璞曰鷂屬也

先君周公制周禮曰則以觀德注則法也合法則爲

吉德德以處事注處猶制也事以度功注度量也音

義

度待洛反注及下同

功以食民注食養也音義

食音嗣注同

作誓

命曰毀則爲賊注誓要信也毀則壞法也音義

壞音怪

掩賊爲藏注掩匿也音義

匿女乙反

竊賄爲盜注賄財也

盜器為姦注器國用也主藏之名注以掩賊為名賴  
姦之用注用姦器也為大凶德有常無赦注刑有常  
在九刑不忘注誓命以下皆九刑之書九刑之書今

亡疏

正義曰言制周禮曰作誓命曰謂制禮之時有此語為此誓耳此非周禮之文亦無誓命之書

在後作九刑者記其誓命之言著於九刑之書耳德者得也自得於心心之所得有惡有善欲知善惡以法觀之合法則為吉德不合法則為凶德故曰則以觀德也既有善德乃能制斷事宜故曰德以處事也既為其事務求成功度量功勳必功成乃善故曰事以度功也民不自治立君牧養作事成功所以養食下民故曰功以食民也其意言在上位者必有法則乃為養民之主將言苦僕無可法則故言此以張本



也又作要信誓命以戒後人曰有人毀法則者是爲  
賊言其賊敗法也掩匿賊人是爲藏言其藏罪人也  
竊人財賄謂之爲盜盜人器用謂之爲姦主爲藏匿  
罪人之名恃賴姦人所盜之用爲極大之凶德有常  
刑無赦其事在九刑之書不遺忘也以宣公容納莒  
僕為主藏受其寶玉爲賴姦故舉此以極諫也注正  
義曰昭六年傳曰夏有亂政而作禹刑商有亂政而  
作湯刑周有亂政而作九刑三辟之興皆叔世也叔  
世謂衰世世衰民慢作嚴刑以督之稱其剗制聖王  
以爲所作之法夏作禹刑商作湯刑則周作九刑作  
周公之刑也此云周公作誓命其事在九刑知自誓  
命以下皆九刑之書所載也謂之九刑必其諸法有  
九而九刑之書今亡不知九者何謂服虔云正刑一  
議刑八即引小司寇八議議親故賢能功貴勤賓之  
辟此八議者載於司寇之章周公已制之矣後世更  
作何所復加但所議八等之人就其所犯正刑議其

可赦以否八者所議其刑一也安得謂之八刑杜知其不可故不解之行父還觀莒僕

莫可則也注還猶周旋音義

還音旋

孝敬忠信爲吉德

盜賊藏姦爲凶德夫莒僕則其孝敬則弑君父矣則

其忠信則竊寶玉矣其人則盜賊也其器則姦兆也

注兆域也保而利之則主藏也以訓則昏民無則焉

不度于善注度居也而皆在于凶德是以去之昔高

陽氏有才子八人注高陽帝顓頊之號八人其苗裔

音義

去起莒反顓音專頊許玉反裔以制反

疏

正義曰先儒舊說及燕周古史考皆以顓頊帝

嘗為帝之身號高陽高辛皆國氏土地之號高陽次少昊高辛次高陽堯承高辛之後孔子之錄尚書自堯為始史籍之說皇帝其言不經大戴禮五帝德司馬遷五帝紀皆言顓頊帝嚳代別一人春秋緯命歷序顓頊傳九世帝嚳傳八世典籍散亡無以取信要二帝子孫至舜時始用必非帝之親子共八人者不能知其出生本系枝派遠近故畧言其苗裔耳

蒼舒隤數禱戴大臨危降庭

堅仲容叔達注此即垂盆禹臯陶之倫庭堅即臯陶

字音義

隤徒回反數五才反一音五回反韋昭音現禱直由反韋昭音桃戴以善反漢書作戴韋

昭以震反危莫江反降下江反陶音遙

疏

正義曰司馬遷采帝系世本以為史記其夏本紀稱禹是

顓頊之後秦本紀稱臯陶是顓頊之後伯益則臯陶之子垂之所出史無其文舊說相傳亦出顓頊故云

此即垂益禹皋陶之倫也服虔云八人禹垂之屬也  
五年傳臧文仲問六與蓼臧云皋陶庭堅不祀忽諸  
知庭堅皋陶為一人其餘則不知誰為禹誰為益故  
云之倫之屬不敢斥言也班固漢書有古今人表銓  
量古人為九等之次雖知禹益必在八位稷契必在  
八元不能識知其人不得自相分配故八元八愷與  
皋陶禹稷並不出其名亦為不知故也鄭玄注論語  
云皋陶為士師號曰庭堅杜云庭堅皋陶字者古人  
名之與字難得審知言  
字者明其是一人也  
齊聖廣淵明允篤誠天下之

民謂之八愷注齊中也淵深也允信也篤厚也愷和

也音義

愷開疏

正義曰此并序八人總言其德或原  
在反疏其心或據其行一字為一事其義亦

更相通齊者中也率心由道舉措皆中也聖者通也  
博達衆務庶事盡通也廣者寬也器宇宏大度量寬

宏也淵者深也知能周備思慮深遠也明者達也曉  
解事務照見幽微也允者信也終始不愆言行相副  
也篤者厚也志性良謹交游款密也誠者實也秉心  
純直布行貞實也以其德行如是天下之民為其美  
目謂之八愷愷和也言其和於物也孟子曰柳下惠  
聖之和者也注正義曰齊中釋言文允信為厚釋詁  
文愷訓為樂樂亦和也深  
水謂之淵故淵為深也

高辛氏有才子八人注高

辛帝嘗之號八人亦其苗裔音義

嘗苦毒反

伯奮仲堪叔

獻季仲伯虎仲熊叔豹季狸注此即稷契朱虎熊羆

之倫音義

奮甫問反熊音雄狸力之反契息列疏正反依字當作俱古文作高羆彼皮反義

曰契後為殷稷後為周史記殷周皆為帝嚳之後也  
此言伯虎仲熊尚書有朱虎熊羆二者其字相類知

此即稷契朱虎熊羆之倫也尚書更有夔龍之徒亦應有在元愷之內者但更無明證名字又殊不知與誰為一故不復言之史記稷契皆為帝嚳之子而上句注云其苗裔者史記堯亦帝嚳之子則稷契堯之親弟以堯之聖有大德之弟久而不知舜始舉用以情而測理必不然且云世濟其美其間必應累世不容高辛之下即至其身馬遷傳聞於人未必盡得其實世族譜取史記之說又從而譏之云按鯀則舜之五世從祖父也而及舜共為堯臣堯則舜之三從高祖而妻其女此史記之疑者然則以其不可悉信故言苗裔

忠肅共懿宣慈惠和天下之民謂之八元注以該之

肅敬也懿美也宣徧也元善也音義

徧音

疏

正義曰此亦總

言其德於義亦得相通忠者與人無隱盡心奉上也肅者敬也應機敏達臨事恪勤也共者治身克謹當

官理治也懿者美也保已精粹立行純厚也宣者徧也應受多方知恩周徧也慈者愛出于心思被于物也惠者性多哀矜好拯窮匱也和者體度寬簡物無乖爭也以其德行如是天下之民爲其美目謂之八元元善也言其善於事也論語曰善人爲邦百年亦可以勝殘去殺矣注正義曰肅敬釋訓文懿美釋詁文宣徧釋言文易文言曰元者善之長也此十六族也世濟其美不隕其

名注濟成也隕隊也音義

隕于敏反疏正義曰此十隊直類反六人耳而謂

之族者以其各有親屬故稱族也世濟其美後世承前世之美不隕其名不隊前世之美名言其世有賢人積善而至其身也劉炫云以至於堯堯不能舉舜各有大功皆賜氏族故稱族

臣堯舉八愷使主后土注后土地官禹作司空平水

土即主地之官疏

正義曰后訓君也天稱皇天故地稱后土舜典云伯禹作司空呂刑

云禹平水土則禹是主地之官故云主后土也

以揆百事莫不時序地平天

成注揆度也成亦平也音義

揆葵反疏正義曰用禹爲主后土之官令

以揆度百事百事無不揆度於是皆有次序得地平其化天成其施言有成功也注正義曰揆度釋言文度百事者令之豫自籌度爲之數量法制事成則平其可否使之總衆務也地平天成大禹謨之文孔安國云水土治曰平五行叙曰成釋詁云成平也是成亦爲平其義一也

舉八元使布五

教于四方注契作司徒五教在寬故知契在八元之

中音義

契斯反疏正義曰舜典云帝曰契百姓不親五列反品不遵汝作司徒敬敷五教在寬尚



書契數五教此云舉八元使布五教以此故知契在八元中也然則尚書禹作司空此云舉八愷使主后土以此亦知禹在八愷中也但不知八愷之中何者是禹八元之中何者是契矣主后土布五教是事之大者故舉以爲言非是各令八人共主一事故主土唯禹主教唯契餘當別有所主或助而爲之尚書稱益佐禹治水是其助之事也

父義母慈兄友弟共子孝內平外成

注內諸夏外夷狄音義

夏戶雅反疏正義曰一家之內父

品父不義母不慈兄不友弟不共子不孝是五品不遜順也故使契爲司徒布五教於四方教父以義教母以慈教兄以友教弟以共教子以孝是之謂五教此五教可常行又謂之五典也諸夏夷狄皆從其教是爲內平外成所云五典克

昔帝鴻氏有不才子注

帝鴻黃帝掩義隱賊好行凶德醜類惡物頑嚚不友

是與比周注醜亦惡也比近也周密也音義

好呼報反

中反心不則德義之經為頑口

疏

正義曰醜亦惡也物亦類也指謂惡

人等輩重復而言之耳比是相近也周是親密也唯是親愛之義非為善惡之名論語云君子周而不比小人比而不周以君子小人相對故鄭

玄云忠信為周何黨為比觀文為說也

天下之民謂

之渾敦注謂驩兜渾敦不開通之貌音義

渾戶本反敦徒本反

驩呼端反疏

正義曰掩蓋義事而不行隱藏其外而

兜都侯反陰為賊害也其有凶醜之類穢惡之物心頑而不則德義之經口嚚而不道忠信之言如此惡人不可與之親友者此不才子於是與之相附近

相親密言惡人所愛愛同已者也以其爲惡如是故  
天下之民爲之惡目謂之渾敦渾敦不開通之貌言  
其無所知也服虔曰山海經以爲驩兜人面馬喙渾  
敦亦爲獸名注正義曰此傳所言說虞書之事彼云  
四罪爲共工驩兜三苗鯀也此傳四凶乃謂之渾敦  
窮奇檮杌饕餮檢其事以識其人堯典帝言共工之  
行云靖言庸違傳說窮奇之惡云靖諧庸回二文正  
同知窮奇是共工也堯典帝求賢人驩兜舉共工應  
帝是與共工相比傳說渾敦之惡云醜類惡物是與  
比周知渾敦是驩兜也堯典帝言鯀行云弗哉方命  
圯族傳說檮杌之罪云告頑舍罪傲狠明德即是弗  
戾圯族之狀且鯀是顓頊之後知檮杌是鯀也尚書  
無三苗罪狀既甄去三凶自然饕餮是三苗矣先儒  
盡然蓋無異說皆以行狀驗而知之也莊子稱南方  
之神其名爲倮北方之神其名爲忽中央之神其名  
爲混沌混沌無七竅儵忽爲鑿之一日爲一竅七日

而混沌死混沌與渾敦字之異耳莊子雖則寓言要以無竅為混沌是渾敦為不開通之貌此四凶者渾敦檮杌以狀貌為之名窮奇饕餮以義理為之名古人之意自異耳服虔案神異經云檮杌狀似虎毫長二尺人面虎足猪牙尾長丈八尺能鬪不  
退饕餮獸名身如牛人面目在腋下食人少皞氏有

不才子注少皞金天氏之號次黃帝音義

少詩照反注同皞胡

老疏

正義曰金天國號少皞身號譙周云金天氏能反修大皞之法故曰少皞也其次黃帝則昭十七

年傳有

其事 毀信廢忠崇飾惡言靖譖庸回服讒菟慝以

誣盛德注崇聚也靖安也庸用也回邪也服行也菟

慝也慝惡也盛德賢人也音義

菟所留反慝他疏正義得反邪似嗟反

曰毀信者謂信不足行毀壞之也廢忠者謂忠為無益廢棄之也以惡言為善尊崇修飾之安於讒譖信用回邪常行護疾陰隱為惡以誣罔威德之賢人也天下之民謂之窮奇言其行窮困所好奇異也注正義曰釋詁云崇充也舍人曰威大充盛大亦集聚之義故崇為聚也庸用靖安回邪惡惡常訓也服從是奉行之義也蒐索隱伏是蒐得為隱也服虔亦以蒐為隱隱隱謂陰隱為惡也成德謂成就之德故為賢人也定本成

天下之民謂之窮奇注謂共工其行窮

其好奇音義

奇其宜反共音恭行下孟反好呼報反

疏

正義曰孔安國云共工官稱也

其人為此官故尚書舉其官也行惡終必窮故云其行窮也好惡言好讒惡是所好奇異於人也

額

項有不才子不可教訓不知話言注話善也音義

戶話

快反告之則頑注德義不入心舍之則囂注不道忠信

音義

舍音救

傲狠明德以亂天常天下之民謂之禱机

注謂鯀禱机頑凶無儔匹之貌音義

傲五報反狠戶壘反禱徒刀反

机五忽反鯀古本反

此三族也世濟其凶增其惡名以至于堯

堯不能去注方以宣公比堯行父比舜故言堯亦不

能去須賢臣而除之音義

去起呂反注及下皆同

疏

正義曰宣公不能去

莒僕而行父能去之恐宣公以不去之為恥行父以去之為專史克方以宣公比堯行父比舜故言堯朝有四凶堯亦不能去須賢臣而除之所以雪宣公不去之恥解行父專擅之失也然則聖主莫過於堯任

賢王政所急大聖之朝不才總萃雖曰帝其難之且復何其甚也此四凶之人才實中品雖行有不善未有大惡故能仕於聖世致位大官自非聖舜登庸大禹致力則滔天之害未或可平以舜禹之成功見此徒之多罪勲業既謝愆釁自生為聖所誅其咎益大且虞史欲盛章舜德歸罪惡於前人史克以宣公比堯同四凶於莒僕此等並非下愚未有大惡其為不善唯帝所知尚書將言求舜以見帝之知人此傳安慰宣公故言堯不能去辭各有為情頗縉雲氏有不增甚學者當以意達文不可即以為實

才子注縉雲黃帝時官名疏

正義曰昭十七年傳稱黃帝以雲名官故知縉

雲黃帝時官名字書縉赤縉也服虔云夏官為縉雲氏

貪于飲食冒于貨賄侵

欲崇侈不可盈厭聚斂積實不知紀極不分孤寡不

恤窮匱注冒亦貪也盈滿也實財也音義

厭於黷反  
匱其媿反

疏

正義曰鄭注周禮云  
金玉曰貨布帛曰賄

天下之民以比三凶注非帝

王子孫故別以比三凶謂之饗饗注貪財為饗貪食

為饗音義

饗他刀反疏正義曰此無正文先  
饗他結反儒賈服等相傳為然

舜臣堯

注為堯臣疏

正義曰昭七年傳稱王臣公公臣大夫  
謂王以公為臣公以大夫為臣皆是上

臣下也而此云舜臣堯謂為臣以事堯乃是下  
臣上也文同義異意足相顧故辯之云為堯臣

賓于

四門注闢四門達四聰以賓禮衆賢音義

闢婢亦反  
聰本亦作

憲七疏正義曰賓于四門是禮賢之事而舜典下文  
工反疏云闢四門明四目達四聰言開闢四方之門



未聞者廣視聽於四方使天下無壅塞亦是賓禮衆賢之事意同於上故引以解之流四凶族

注案四凶罪狀而流放之渾敦窮竒檮杌饕餮投諸

四裔以禦螭魅注投棄也裔遠也放之四遠使當螭

魅之災螭魅山林異氣所生爲人害者音義

禦魚呂反螭勅

知反山神獸形魅亡備反說文

疏正義曰投者擲去故爲棄也聲典云

作魅云老精物也魅或從未

流共工于幽州放驩兜于崇山竄三苗于三危殛鯀

于羽山四罪而天下咸服孔安國云幽州北裔崇山

南裔三危西裔羽山東裔在海中是放之四方之遠

處螭魅若欲害人則使此四者當彼螭魅之災令代

善人受害也宣三年傳王孫滿說九鼎云鑄鼎象物

百物而爲之備民入川澤山林不逢不若魑魅罔兩

莫能達之知螭魅是山林異氣所生爲人害者也

是以堯崩而天下如同一同

心戴舜以爲天子以其舉十六相去四凶也故虞書

數舜之功曰慎徽五典五典克從無違教也注徽美

也典常也此八元之功音義

戴多代反相息亮反下注同去起呂反數色主

反徵許

曰納于百揆百揆時序無廢事也注此八愷

之功曰賓于四門四門穆穆無凶人也注流四凶疏

正義曰此虞書舜典之篇也三事六句舜典本文其云無違教也無廢事也無凶人也是史克解虞書之

意也每引一事以一

舜有大功二十而爲天子注舉

十六相去四凶也今行父雖未獲一吉人去一凶矣  
於舜之功二十之一也庶幾免於戾乎注史克激稱

以辯宣公之感釋行父之志故其言美惡有過辭蓋

事宜也音義

激言

疏

正義曰

宣公貪寶玉而受莒僕  
為感已大行父違君命而逐出

之其專已甚故史克激揚而言舜之事堯以辯宣公  
之感以解行父之志方欲盛談善惡說事必當增甚  
故其言美惡有太過之辭言美則大美言惡則大惡  
禹則鯀之子也說禹則云世濟其美言鯀則云世濟  
其凶明其餘亦有大過非其實也蓋事勢宜然耳何  
休以為孔子云蕩蕩乎堯之為君唯天為大唯堯則  
之今如左氏堯在位數十年久抑元愷而不能舉養  
育凶人以為民害而不能去則孔子稱堯虛言也桀

紂為惡一世則誅四凶歷數十歲而無誅故易云積不善之家必有余殃虛言也左氏為短但堯之為君能舉十六相去四凶四凶之人未必世濟其惡但史克欲明行父之志欲辨宣公之惑故美惡過辭具於此注何休之難不足疑也○宋武氏之族道昭公子將奉司城須

以作亂注文公弑昭公故武族欲因其子以作亂司

城須文公弟音義

宋武氏之族本或作武穆之族者後人取下文妄加也道音導

十

二月宋公殺母弟須及昭公子使戴莊桓之族攻武

氏於司馬子伯之館注戴族華樂也莊族公孫師也

桓族向魚鱗蕩也司馬子伯華耦也音義

向舒亮反

遂出

武穆之族注穆族黨於武氏故使公孫師為司城注  
公孫師莊公之孫公子朝卒使樂呂為司寇以靖國  
人注樂呂戴公之曾孫為宣三年宋師為曹傳疏

正義

曰世本云戴公生樂甫術術生碩甫澤澤  
生夷甫須須生大司寇呂今云曾孫誤也

春秋左傳注疏卷二十

春秋左傳注疏卷二十考證

公四不視朔注因明公之實有疾非詐齊○趙汴補注  
曰公疾不視朔必書史所以重君疾重國政雖託疾  
亦書史無訐君以為直之義傳釋公四不視朔曰疾  
也乃據史法言之然經既削其真有疾者則此為託  
疾亦可知矣左氏知史而不知經後儒又不知經本  
出于史此筆削之義所以失傳臣浩按公之疾真偽  
所不可知然不告朔遂起于此亦所以志禮之始失

也

傳有蛇自泉宮出音義魯公伯禽云云○臣召南按此

據史記魯世家也世家魯公伯禽子考公首弟煬公  
熙子幽公宰弟魏公潰子厲公擢弟獻公具子真公  
湏弟武公敖子懿公戲監本及別本多訛字如魏公  
潰作費厲公擢作雖弟獻公具作子鄭公具懿公戲  
作獻今依史記改正又疏引世家內字亦多訛如考  
公作耆公幽公宰作圉魏公作微公真公作順公今



並依史記正之

傳姑又與之遇以驕之疏蚡冒卒弟熊達殺蚡冒子而  
代立○臣浩按史記熊達作熊通

傳夫人使謂司城去公○趙汭補注曰傳序六卿于上  
而夫人但使司城去公則餘五人皆鮑之黨也

傳書曰宋人注一段○劉敞曰如傳所說則公子鮑爲  
不臣襄夫人爲不母而昭公未有無道之實也傳曰  
君雖不君臣不可以不臣不得輕此兩人之罪反專

惡於宋公趙汭補注曰當時列國皆政出大夫其士民知有大夫而不知有君謂晉趙盾為良大夫謂宋昭公為無道皆弑君者子孫設辭以分惡殺恥左氏不能辨遂援以釋經且立以為例誤矣

傳華耦卒而使蕩虺為司馬○趙汭補注曰傳見惟殺蕩意諸右師以下皆在位

傳夷與孤之二三臣相及于絳疏昭十九年子產對晉人云○監本脫年字今添

子卒注以未成君書之○臣召南按不書名而單書子

此正成其為君也書卒固是諱辭書子則大義自正  
傳仲殺惡及視而立宣公注殺視不書賤之○臣召南

按杜說無理經既諱惡之弑自然并諱其殺視也太  
子母弟可云賤乎

傳則以觀德注則法也○林堯叟曰則者君臣父子兄  
弟夫婦朋友之法則也

傳昔高陽氏有才子八人○王應麟曰古者以德為才

十六才子是也如狄之鄆舒晉之知伯以才稱者古所謂不才子也

傳齊聖廣淵疏柳下惠聖之和者也○監本訛作伊尹聖之和者也今改正

傳父義母慈兄友弟共子孝內平外成疏是之謂五教又謂之五典○臣召南按尚書孔傳解慎徽五典即引此傳八元布五教納于百揆即引此傳八凱揆百事

傳今行父雖未獲一吉人注其言美惡有過辭○王應麟困學紀聞曰禹鯀之子也史克於鯀曰世濟其凶而於禹曰世濟其美論其世則鯀非美也於此見立言之難

春秋左傳注疏卷二十考證